

Homber cu a mata polis, tabata cera pa problema mental



Burocracia ta stroba cuida mental general



Pagina 4



Pagina 2

Aruba a gana varios medaya na CCCAN



Pagina 18

AZV: A aproba peticion di Sheydon mesora



Pagina 3

Persona cu a mata polis, cera recien pa problema mental

BOEGOEROEI – E homber E.J.T.K.S. (40) cu a mata e polis Tino Ruiz ayera nochi, tabata cera recientemente pa problema mental. Esaki alto comisario Dolfi Richardson a confirma.

E homber tambe a muri pa motibo di un tiro di e colega di sr. Ruiz cu a purba di stop S. uzando su arma. Tur esaki a sosode na Boegoeroei 50. Bon Dia Aruba tabata presente unda a constata cu e habitantenan no kier papia. Despues polis a tene un conferencia di prensa cu entre otro alto comisario Richardson y minister di Husticia. Sr. Richardson ta conta lo siguiente:

7.15or di anochi Centrale Post di polis a haya un yamada for di e famia di e cas na Boegoeroei pidiendo asistencia policial en conexion cu un miembro di famia cu problema mental. Eynan patruya en berdad a topa cu e persona cu ta conoci na polis. Nan a cuminsa purba di intermedia den e situacion. Sinembargo e persona a agredi un di e polisnan cu bloki na cabes. El a dal e polis diferente biaha cu e bloki na cabes cu a sufri hopi daño. E ora e polis a dicidi di uza su arma y a los un tiro den direccion di e persona, cu consecuentemente a fayece na sitio.



Prome biaha polis a muri E polis Ruiz a bay hospital cu urgencia pero na yegada a constata cu ya el a fayece. Segun alto comisario e ta un 'colega hoben dinamico'. "E ta un colega hopi stima pa su otro coleganan, specialmente su coleganan na Noord. Esaki ta e prome biaha cu un miembro di cuerpo policial a fayece den line of duty. Bo por comprende cu esaki ta nifica un sla hopi grandi pa nos. E caso aki ta bou investigacion. Mi ta spera di trece pronto claridad den e caso aki."

Agresor tabata cera Sr. Richardson ta bisa tambe cu hopi di e casonan asina den experiencia di cuerpo policial ta casonan cu no ta parce casonan serio na comienso. "E colega cu algun aña pasa a wordo hinca tambe a bay un yamada simpel pa intermedia. Esey ta muestra e complicidad di nos trabou. Un caso por cuminsa hopi

inocente pero bo ta wak e por caba cu consecuencianan fatal. E les cu nos por siña di esaki ta cu nos mester tene na cuenta cu cos, aunke ta parce inocente, por sali for

di man. P'esey nos tin procedura y semper kier trata nan asina stricto pa evita cualkier chens cu bo por cay victima."

Manera menciona e alto

comisario tambe ta confirma cu e homber agresivo tabata cera recientemente pa su problema mental. Bon Dia Aruba lo sigui riba esaki pa haya e storia completo.



10.000 votado mester di un identificacion valido

ORANJESTAD – Despues cu publicacion di e entrevista cu e presidente di nos Consejo Electoral Hubert Maduro riba e problema cu e rijbewijs nobo pa voto, e instancia a manda un relato. Unda ta splica cu aworaki 10.000 votado mester aplica pa un paspoort of ID valido pa por voto na september.

Esaki a sali for di nan investigacion a base di informacion den Censo. Di e 71.000 votado, mas cu 60.000 tin un paspoort of ID valido pa 22 di september. E otro nan manera menciona no tin.

Pa cu e rijbewijs nobo cual gobierno a cuminsa distribui for di 2015, te awor no por uza nan como identificacion

valido manera nos a publica riba 1 di juli den nos corant. Sinembargo den e caso minister di Husticia lo cambia e decreto ministerial retroactivo, pa cu e Landsbesluit articulo 2 di e Landsbesluit rij- en keuringsbewijzen, e ora e Consejo Electoral si lo acepta e rijbewijs di 2015.

E Consejo tambe ta conseha pa esunnan cu tin un rijbewijs nobo, pa controla esaki si e datonan riba e rijbewijs ta cuadra cu esunnan registra na Censo. Den e caso tin un discrepancia, nan ta conseha pa reemplasa e rijbewijs.

E Consejo Electoral a haci un investigacion di rijbewijs emiti entre juni pa november 2016. Nan a compara e datonan riba e rijbewijsnan

cu esun registra na Censo y a conclui cu di 1500 rijbewijs e datonan no ta cuadra cu esun di Censo.

E Consejo ta remarca cu e foutnan aki cu nan a haci durante di traha e rijbewijs, ta trece consecuencianan grave pa verifica e identidad di e persona.

Cambio di presidente

Den e otro relato e Consejo tambe ta informa cu desde 17 di juli lo tin un cambio den e president di e Consejo Electoral. Corte Comun y Controlaria General a nombra Glenn Thodé (rector di Universidad di Aruba) como e presidente nobo di e Consejo Electoral y Hubert Maduro (cu tabata e presidente) como vice presidente.



AZV: Nos a aproba peticion di mucha Sheyden mesora

ORANJESTAD - Den cuadro cu storia recien di e mucha di dos aña diagnostica cu cancer, AZV ta laga sa cu nan a aproba e peticion mesora pa e mucha bay Hulanda y tabata tin avion cla p'e diasabra mes.

"A drenta un peticion diasabra cerca AZV pa e yiu di Edmar Winterdaal (Sheyden Hose) y mesun dia nos tabata tin un avion cla pa mand'e afo. Pero riba peticion di e mama pa regla toch algun cosnan cu tabata tin pendiente, e ora a opta pa ayera tardi nan sali pa Hulanda," vocero Solange Tchong ta bisa Bon Dia Aruba.

Nos a puntra su reaccion despues di publica e storia di e tata di e yiu di 2 aña cu pa basta tempo nan ta luchando cu dokternan pa haya sa kico ta causando e mal salud di su



yi. Cada bes cu nan a hiba e mucha dokter, segun e tata Winterdaal, nan lo mand'e cas cu un 'Paracetamol'. Finalmente a logra un bishita cu e especialista y a resulta cu e mucha tin un tumor den su riñon.

nalmente a logra un bishita cu e especialista y a resulta cu e mucha tin un tumor den su riñon.

Comision medico

AZV tin un comision medico cu ta atende cu e peticionnan aki kende ta traha 24/7, constantemente 'on call' pa casonan di calamidad. Segun procedura y maneho di AZV, semper ora ta rekeri un menor di edad, e ora ey un mayor so por bay riba gastonan di e seguro. E tata a pidi ayudo di comunidad pa cu su gastonan pa e bay acompaña su yiu. Con largo e trayectoria aki lo dura AZV no sa ainda pero generalmente segun sra. Tchong casonan asina ta tuma transcurso di par di siman. "Mester pensa den direccion di por ta tres te cu seis of ocho siman. Depende na kico nan haya sa.

E caso aki ta un poco particular pasobra mi por a comprende for mi coleganan medico cu e no ta un tipo di enfer-

medad comun loke e mucha tin." Pues den sentido cu no ta pensa di biaha den direccion di cancer ora ta papia di mucha segun sra. Tchong.

Caso excepcional

Generalmente den mucha, segun AZV ta keda enfatisa, nunca ta bay mesora den cosnan grave manera esaki pues ta papia di un caso excepcional. "Pasobra na momento cu bo ta consulta e mucha cerca e dokter di cas, sigur e dokter su prome meta ta e bienestar di e mucha. Pero probablemente lo no a pensa nunca den direccion di algo asina grave." Riba e parti di evaluacion medico,

Bon Dia Aruba lo acerca Asociacion di Dokternan di Cas pa mira con e procedura aki ta hinca den otro ora cu ta haci peticion pa un especialista.

OM: paga boet of core riesgo cu no por biaha

ORANJESTAD -Pa medio di un comunicado di prensa, Ministerio Publico ta informa cu Afpakteam di Aruba ta dedicando extra atencion e temporada di vakantie aki na boetnan cu ta habri y cobranza di impuesto cu no a wordo paga ainda.

Na luna di juni hopi hende ta haya vakantiegeld, y esey ta haci cu nan tin mas espacio den nan cartera pa paga e sumanan aki, segun Ministerio Publico. Nan ta sigui bisa cu door di paga na tempo, ta evita cu un multa ta wordo aumenta of den e caso mas extremo, cu hende ta wordo deteni of

haya prohibicion pa biaha.

Afpakteam di Aruba ta haci un yamada na personanan cu tin multanan atrasa of cobransanan di impuesto habri, pa bin paga esakinan. E team special aki ta un entidad di cooperacion di Ministerio Publico di Aruba, Cuerpo Policial, Cuerpo di

Aduana, FIOT (Fiscale Inlichtingen – en opsporingsteam) Departamento di Impuesto, FIOD (Fiscale Inlichtingen – en Opsporingdienst), Marechaussee, Kustwacht, MOT y RST. E afpakteam ta combati criminalidad financiero economico, anto a cuminsa traha riba e prome di maart 2017.

Tur vehiculo mester ta coriendo cu sticker blauw

ORANJESTAD - E fecha final pa paga e di dos mita di aña a drenta na vigor caba. Vocero di Servicio di Impuesto di Aruba (SIA), Mervelyn Romano ta declara cu na e momento aki tur automobilista mester ta coriendo cu e sticker blauw pa no core e riesgo di haya un boet for di polis.

Dia 1 di juli SIA a cuminsa cu e di dos mita di aña; y esey ta nifica e pago completo di 2017 riba belasting di vehiculo di motor.

Ainda SIA no tin un bista di e cantidad di automobilista cu a cumpli cu e obligacion aki; ya cu sra. Romano no a ricibi e lista aki. Nan pa wak con e comportacion di pago ta. Sinembargo durante e ultimo dianan specialmente diabierna ultimo, nan tabatin e sala hopi yen na Camacuri. Ayera mainta nan a lanta cu basta hende na porta pa bin haci nan pagonan tambe.



Ayera e atencion pa publico of tempo di spera pa yega na bo number tabata entre 30 pa 40 minuut. Tambe hopi di nan clientenan ta bayendo na oficina di gobierno den diferente distrito pa paga. "E clientenan ta haciendo nan pago. Pero nos tin cu haya e cifranan pa nos wak con leu e cumplimento ta", sra. Romano a bisa.

Na Camacuri e cantidad di cliente ta mas grandi; ya cu SIA ta bin hayando clientenan cu ta bay pa entrega nan plachi di number; ya cu diabierna tabata e fecha final

pa esey tambe. SIA ta keda conseha e clientenan pa tene na bista e fecha final cu ta regarda e pago di impuesto di vehiculo di motor.



‘Hopi necesidad di cuida mental general, pero burocracia a stroba’

ORANJESTAD – Despues di 40 aña Aruba tin un instancia cu ta bay encarga cu e cuida mental en general riba nos isla, esta Fundacion Geestelijke Gezondheidszorg (GGZ) Aruba. Bon Dia Aruba ta puntra minister di Salud Publico actual dicon e tardansa. ‘Burocracia y cambio di gobierno’ ta trece cu e tipo di cosnan aki no ta desaroya hopi lihe, segun e mandatario.

Minister Alex Schwengle ta conta nos tambe cu tabata tin un fundacion caba cu a wordo lanta algun tempo atras pero nunca nan a formalisa y a haya un bida. “Si bo lesa e documentonan di Geestelijke Gezondheidszorg na Aruba, bo ta wak cu tin como 40 aña caba documentonan señalando cu mester bin un instancia pa guia y organisa henter e cuida mental aki na Aruba.”

Burocracia

E ta sigui splica cu ‘si parti di bo organisacion di cuida mental di Aruba ta den man di gobierno, tin hopi burocracia y cosnan ta tarda hopi’. “Pues mehoransa hopi biaha ta tarda pa bini. Y pa colmo si un gobierno bolter den 2 of 4 aña, si e maneho bolter 180 grado, diripiente tur cos a para atrobe pa reorganisa. Esakinan ta trece hopi biaha tardansa innecesario. Bo ta crea hopi confusion y frustracion den e veld tambe, esey ta algo riparabel. E veld tin hopi bon hende den dje cu bon curason y profesionalismo. Pero tin hopi frustracion tambe di añanan. Mi ta sigur compronde esey.”

Mas eficiente

E minister ta bisa nos cu e ta pensa cu nunca esaki a wordo formalisa mas prome pasobra nos na Aruba ta custumbra di traha manera ‘islanan chikito’. “Bo tin PAAZ traha un caminda, SPD otro ca-



mind, verslavingszorg otro banda. E veld ta traha semper hunto pero riba e nivel di directiva nunca nan no a comunica suficiente den un manera of otro pa yega asina leu di bisa pa bini hunto y organis’e hopi mas eficiente.” E meta pa haci esaki via Geestelijke Gezondheidszorg segun minister Schwengle ta, pa haci e trabao mas eficiente. Pa percura pa e liñanan ta mas cortico y pa e placa wordo uza mas miho posibel.

Cuida mental

Awor e diferente cuida ta cay bou di diferente instancia, segun e minister. E cuida ambulante ta bou SPD/Departamento di Saludo. PAAZ ta ofrece cuida pa un periodo mas cu 24ora. Y tin cuida pa adiconan cu ta cay bou departamento di Husticia. Minister Schwengle ta haya cu e cuida pa adiconan tambe mester cay bou e fundacion di Geestelijke Ge-

zondheidszorg, y pa cu esaki su colega minister di Husticia ta riba mesun liña, segun e.

‘Hopi necesidad’ di cuida mental

E fundacion di famia Ling sigur a hunga un bunita rol pa lanta e fundacion, segun minister Schwengle, cu un bon push pa bin cu e cuida aki na Aruba. “E necesidad ta no ta cos di papia mes. Tin hopi necesidad pa haci e.” Nan a lanta e fundacion cual a wordo activa; cu conseho di supervision y lo tin un directiva. E Conseho forma aworaki lo percura pa henter e organizacion wordo lanta, segun e minister. Nan tin di aworaki cu fin di aña pa lanta e organizacion; traha un organogram, skirbi tur documento etc. Pronto mester percura tambe pa PAAZ bin mas lihe bao di e fundacion GGZ “Esey no ta bay facil. Nos a papia y informa e personal di PAAZ caba y tambe ABV (sindicato di enfermeria), tambe SPD. Nos a bisa nan cu nos no ta bay tuma ningun decision sin informa nan.”

Plan di implementacion

E conseho di supervision awo mester duna claridad riba con e ta bay funciona y na mesun trayecto cuminsa traha un plan di implementacion hunto cu PAAZ, hospital y AZV, asina e minister ta conta. Nan a informa e

empleadonan di PAAZ caba cu nan no mester preocupa cu nan posicion di derecho. “Si nan bay, nan lo tin un CAO nobo cu no lo ta menos di loke nan tin. Por ta e ta bay ta otro, mas moderno etc. Esaki ta depende con e negociacion bay, pero en principio mi no ta mira un problema. Den bisa cu minimo nan ta bay horizontal over. Nan no ta bay perde ningun derecho.”

Team special pa cuida ambulante

Claro segun e minister tin algun otro aspecto cu mester papia di dje over di pensioen of cantidad di experiencia anto con lo bay trata cu e otro detayenan aki. Gobierno ta spera di por haci tur esey mas lihe posibel segun sr. Schwengle: “Pasobra den transcurso di otro aña PAAZ por bay bou GGZ y por cuminsa cu loke nos ta yama un ambulatorio team. Nos kier cuminsa cu un na Playa prome of San Nicolas pasobra nos kier dos, cuminsando cu cua cu ta prome y despues bay pa e otro. E accento ta bay ta basta pisa den e parti ambulatorio pasobra hopi problema ta cuminsa na un edad hopi jong.”

E mandatario ta sigui splica Bon Dia cu si bo por detecta e problema na un edad mas jong, ta logra resolve esaki hopi biaha. Si no haci esaki

na jong, e problema ta sigui crece y bira cronico cual ta hopi biaha mas dificil pa resolve.

Fasenan di traslado Seguro nacional di cuida

AZV lo cera un contrato di cuida cu e fundacion GGZ. E prome fase ta pa PAAZ bay bou GGZ. Despues nan kier lanta e teamnan special y wak con SPD lo fit den esaki. Fase tres ta encera e cuida pa adiconan. Minister Schwengle: “E ta bay gradualmente. E ta un proceso anto e veld den general ta para tras di e idea. Nan ta kere cu reorganisando den e manera aki ta bay trece mas tranquilidad y miho cuida di nos problemanan mental aki na Aruba.”

E mandatario ta conclui cu teoreticamente pa 1 januari 2018 sea temporalmente of definitivamente nan kier tur cos ta cla. Of cu entrante di 1 januari 2018 lo haci e traspaso temporalmente unda ainda tin espacio pa negosha. Pero nan kier pusha pa otro aña pasobra experiencia ta bisa tambe cu no por tarda di mas. “Nos ta spera asina e ta miho organisa cual mi ta kere lo bira tambe mas interesante pa e trahadonan. Pasobra ta bay tin mas flexibilidad unda cu por ta pa un par di luna bo ta traha clinicamente y djey bo kier traha poli clinicamente. Pues por tin tiki mas variedad eyan den e trabao.”



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Redactor Ehecutivo

Zulaica Maduro
Nicola Gonzalez

Redaccion

Benjamin Romero
Leo Maduro
Dino Tromp
Efraim Odor
Fabiola Cardenas

Ehecutivo di Benta

Marijke Croes-Luidens
Mark Gomes

Aviso y Arte

Sandra Loefstop
Lando Rafael
Gladis Palomino-Silva

Administracion

Xiomara Arends (Hefe)
Mariette Engelhart
Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Yair Gambin
Francis Dirksz

Colaboracion

Sharina Henriquez
Associated Press
Ret Karibense
Upload Media Aruba
Yakari Gabriel

Afiliacion

Sociedad Interamerica
di Prensa (SIP)

DIRECCION

Weststraat #22

Tel: 582-7800 / Fax: 582-7044
email: noticia@bondia.com
aviso@bondia.com
BON DIA ARUBA

Ta un Corant redacta y imprimi na
Aruba y ta obtenibel di Dialuna te
cu Diasabra. Ningun contenido
por wordo reproduci sin permiso
di Editor. www.bondia24.com

Editorial

Nos sistema medico den debate *Laga nos drecha loke no ta bon*

Poco biaha nos ta mira emocion ta bay asina halto manera den e casonan di persona den necesidad di cuida medico urgente, y sigur si pa un of otro motibo cos no a cana bon. E atencion ta completamente cu e dolor di e famia, cu ta preocupa cu si nada drastico no tuma luga, nan ta core riesgo di perde nan serkeri. Y pa esunnan cu a pasa den esaki, sigur si ta trata di yiu, bo no ta desea ningun hende pasa den esey. Ayudo espontaneo, ta un di e donnan cu e pueblo aki sigur tin. Ban spera cu esey keda asina tambe.

Pero pakico e reaccion positivo aki ta asina fuerte den e casonan aki? Desde antaño, ciencia y cuida medico ta basa riba purba kita e angustia cu nos tur ta sinti ora nos ta malo y mester atencion medico. Diripiente tur cos material cu bo por a acumula den bo bida, ta bira totalmente irrelevante. E unico cos cu ta conta, ta bo salud. Si nos ta acepta esaki como un hecho di bida, anto nos ta desea tambe cu e sistema di cuida medico ta funciona optimal. Y cu e ta trece gasto grandi cu ne, cu nos mester carga hunto, 'so be it'. Cu esaki nos no kier bisa cu mester gasta placa na cosnan innecesario; control adecua riba gasto medico ta semper necesario.

Pero den e discusion cu ta surgi, hopi biaha, pa motibo di emocion, e critica ta bay dirigi riba persona, o un cierto departamento o servicio medico. Un medico cu ta menos diligente di loke a spera, procedimiento cu mester sigui cu ta tarda e proceso, ta varios cos por bay robes. Nos ta unico den esey? No, e tipo di problema aki ta sucede tur parti di mundo. Cu esey nos no ta bisa cu e no ta keda un problema y problema t'ey pa resolve. Y ora nos ta papia resolve problema, nos no ta papia di critica riba caso individual, pero e cosnan unda structuralmente tin problema. Laga nos purba ilustra esaki.

Tuma por ehemplo un hospital. Centenares di hende, cada un cu su tarea, mester colabora cu otro tur dia pa por logra efectividad. Pa esey, mester di comunicacion. Y ora nos ta papia comunicacion, nos ta kere cu na 2017 mester logra yega na integra tur informacion medico den un sistema, unda tur esunnan autorisa tin acceso. Esaki ta importante, hustamente ora tempo ta un factor decisivo. Den caso di accidente, por ehemplo, of otro suceso medico di urgencia, unda tur

informacion, tocante tipo di sanger, eventual alergia, condicion medico cu ta importante pa tuma na cuenta. Manera den caso di un persona cu ta pashent di curason, loke ta haci cu ta mas importante ainda pa tin tur cos riba pantaya nan dilanti. Nos sa cu tin esfuerso na caminda pa avansa cu digitalisacion di e sistema, pero nos no t'ey ainda. Ta sucede awe ainda cu pashent ta cana riba caya cu envelop di dokter di cas, pa nan bay duna e especialista. Ta ora e pashent ta sinta su dilanti, e especialista ta haya sa kico e dokter di cas a haya sa. Ta 2017? No ta bira tempo pa e profesionalnan aki ta comunica directamente via e ruta digital? Y de paso por informa esun cu ta paga, AZV, di e trabao cu nan ta haci? Cu mester percura pa tin un sistema cu ta mas tanto posibel liber di oportunidad di fraude, pero esey ta aplica pa tur sistema administrativo, digital of no.

Pero pa bolbe unda nos a cuminsa: con bon o malo nos sistema ta? Tin hopi cos cu si ta bay bon; unda si e sistema ta funciona manera mester ta. Esey no ta ningun hustificacion pa e casonan den cual cos no a bay bon. Na Merca nan ta bisa: "If it ain't broke, don't fix it." Ora algo no ta dañá, no mishi cu ne. E contrario di esey tambe ta aplicabel: ora algo ta dañá, bay drech'e! Actua den e casonan cu merece pa actua, no ta kita nada di tur e bon trabao haci caba.

Den e dianan aki di debate electoral nos ta tende regularmente e palabra prevencion ta cay. Y cu rason, pasobra esey falta! Basta nos corda si cu ora ta papia di prevencion, cu e tin varios aspecto. Un di nan ta e necesidad di detecta problema medico tempran den e proceso. Esey ta scapa dos cos: e ta scapa bida di hende, y e ta scapa placa, pasobra den hopi caso no mester aplica e metodonan mas drastico y mas caro. Esey ta exige si cu no ta stroba e pashent di bay di su dokter di cas pa e especialista, pasobra si e no yega ey, e no ta haya ayudo mes. Cu tin hende cu pa cada ta bay dokter, ta berdad, pero e prome linea nunca por sirbi pa frena pashent di bay especialista, sigur no cu e pensamiento di spaar placa den mente. Al final de cuentas, e ta sali nos mas caro.

Sebastian Piñera a gana eleccion primario di Chile y lo ta candidato pa presidente

CHILE (Elcomercio).- Sebastian Piñera a impone su mes diadomingo den eleccion primario di Chile pa basta voto, y lo keda como candidato pa presidencia como candidato di su partido 'Chile Vamos' pa eleccion cu lo tuma lugar na luna di november.

E ex-hefe di estado a impone su mes riba otro candidatonan, manera e senador independiente Manuel José Ossandón y riba diputado y lider di Evópoli José Antonio Kast. Cu 64, 83% di cantidad di voto cu a ser conta, Piñera a haya 57, 11 % di voto, compara cu 13.90% cu Kast a haya y un 28,98% di Ossandón. E bloke di izquierda di Frente Amplio lo tin como candidato Beatriz Sánchez, cu a haya 68,64%. Sanchez a vence e candidato Alberto Mayol (31,36%), segun informacion for di servicio electoral di Chile. E candidatonan di e coalicion di centro izquierda a sali for di eleccion di primario, y nan ta bay directamente den competencia den prome buelta di eleccion presidencial di 19 di november proximo.



Piñera a goberna Chile entre 2010 y 2014, y awor ta lidera varios analisis, cu posibilidad di bolbe na Palacio de la Moneda na Chile. Sin embargo, encuesta ta indica cu e no lo tin mayoria absoluto, pa tal motibo lo mester bay den un di dos buelta. Awor ta e prome biaha den historia di Chile cu ta celebra un eleccion primario cu ta regula pa ley. Ta prome biaha tambe cu Chileno cu ta bibando den exterior por vota desde nan pais di residencia.

Oposicion Venezolano a anuncia un proceso di consulta riba Asamblea Constituyente

VENEZUELA (BioBio).- Dialuna oposicion Venezolano a anuncia un consulta o plesbicio riba dia 16 di juli, pa cu henter pueblo di Venezuela por bay y dicidi si nan ta di acuerdo of no cu convocatorio di presidente Nicolas Maduro pa establece un Asamblea Nacional Constituyente.

"Pueblo lo por dicidi si ta rechasa of desconoce constituyente cu a ser convoca ilegalmente y contra constitucion di Venezuela, di banda di Nicolas Maduro," Julio Borges, presidente di Parlamento, cu tin un mayoria di parlamentario di oposicion, a splica.

Borges a bisa cu den consulta nan lo puntra na tur Venezolano cua ta e funcion cu Venezolano ta solicita for di funcionario publico y forsa arma, pa asina restitui orden constitucional".

Otro pregunta di e consulta tin e obhetivo cu pueblo por dicidi si ta convoca of apoya un renobacion di podernan publico cu ta traha fuera di mandato constitucional," Borges a declara.

"Nos ta convoca pa 16 di juli, pa nos por eligi futuro di pais Venezuela den un proceso di decision



soberano, y asina por cuminsa pa defende e decision cu por sali for di e proceso ey, cu activacion di un etapa di lucha superior," e hefe parlamentario a splica.

Borges a bisa cu lo solicita e iniciativa na Parlamento, y asina e organo aki lo por yama oficialmente un consulta popular. E parlamentario no a informa e via operativo cu nan lo usa pa e consulta di plesbicio, sin participacion di poder electoral. Poder electoral ta acusa pa e grupo di oposicion di ta traha pa gobierno di Maduro. "E proceso di tuma votonan lo ta manual, pero despues nan lo establece e posibel

procedura. Nos ta drenta den ora cero," Henrique Capriles, lider di oposicion a bisa. Capriles a splica cu e grupo di oposicion ta dunando tur di nan, pa logra algo prome cu dia 30 di juli, ora cu poder electoral a yama pa un eleccion di hende cu lo integra e asamblea constituyente.

Capriles a sigura cu e consulta popular lo tuma lugar mientras cu e protestanan cu oposicion ta haci desde dia 1 di april, y cu te e siman aki a laga 89 morto, ta continua. "Actividad di consulta ta algo manera un complemento di nos lucha," el a splica.

Maria Corina Machado a declara cu oposicion lo instala 1600 lugar, destina pa Venezolanonan cu kier manifesta nan opinion y nan voto den consulta popular na Venezuela y 108 punto pafo di Venezuela, kier men den exterior pa esunnan cu ta bibando na otro paisnan.

Diputado di Asamblea Venezolano: Posibilidad cu Fiscal General por keda deteni awe

VENEZUELA (Run-Run).- Diputado di partido gran polo patriótico German Ferrer a bisa cu ta posibel cu Fiscal General di Venezuela, Luisa Ortega Díaz, por keda deteni durante "antehuicio di merito" cu gobierno ta haci awe, diamars, contra su persona.

Segun articulo 376 diCodigo organico procesal penal di Venezuela, un antehuicio di merito ta un procedimiento penal cu e fiscal general di republica mester presenta via un acusacion formal, cu obhetivo di haya sa si un huicio di un funcionario halto di estado tin merito of no. Pero

awo e antehuicio ta pa e propio Fiscal General.

"Tur cos ta posibel e casa di Ortega Díaz a bisa. "Constituyente no a trece paz pa Venezuela manera Maduro ta bisa. Constituyente lo genera violencia." Dialuna Rafael González Arias a ser ratifica

pa mayoria di Asamblea Nacional, den e posicion di Vice fiscal General di Republica. "Tin otro diputadonan cu den proximo reunion di parlamento lo cuminsa participa, pasobra nos ta eligi pa e pueblo y nan ta exige respuesta na nan solicitudnan," Arias a splica.



Tiroteo na casino di Chile a laga dos morto



CHILE (Infobae).- Diadomingo Osvaldo Campos, un ciudadano Chileno a cuminsa un tiroteo na casino Monticello, cerca di capital di Chile, Santiago. Dene tiroteo el a asesina dos persona y laga cuatro mas herida. Un dia despues di e suceso, informacion y potret a circula y ta mustra e momento di atake.


Den e material por mira e momento cu Campos a saca su arma di candela y el a tira di hopi cerca riba e croupier y un muhe cu tabata traha na e mesa di casino ey. Tur dos a muri pa e tironan di arma di candela.

Den un video por mira e homber cu a sconde su mes bao di un mesa y asina e tabata purba di evita algun tiro di banda di seguridad di casino. Despues di e atake e homber a cera su mes par di ora den baño y despues a mata su mes.

Testigonan a logra huy na momento di e tiroteo y nan a bisa cu e homber a saca su arma despues cu el a perde hopi placa na e casino. Fiscalia a informa cu Campos tabatin antecedente penal pa secuestro.

Den un luna e casino Monticello a pasa dencos suceso di violencia.

Dia 6 di juni cu a pasa un homber di nacionalidad di Siria a tira riba un agente di seguridad despues cu el a perde 15 miyon di peso (22.700 dollar).



Luz a bay y a laga miyones di hende sin electricidad na America Central

Tormenta electrico a causa apagon na America Central

CENTROAMERICA (EIDeber).- 15 miyon di persona a keda den scur na Costa Rica, Panama, El Salvador, Honduras y Nicaragua pa un interrupcion di luz cu a sucede riba un linea di transmision cu a cay na Panama, y cu a perhudica conexcion electrico na Centroamerica, autoridadnan a informa. Paisnan di region di Centro America, desde Guatemala te Panama, ta conecta via un linea unico di 1820 kilometer di largura.

E corte tabata total na Costa Rica y parcial na otro pais. E suceso a tuma lugar diadomingo atardi y e caida di luz tabatin diferente duracion na cada lugar. Na promedio luz a bay 4 ora na Panama, Costa

Rica y Nicaragua. El Salvador y Honduras a keda afecta cu e corte di luz pa un tempo mas cortico.

Carlos Obregón, presidente di e estatal Instituto Costar-



ricense di Electricidad (ICE), a splica cu linea di transmision a cay, y a laga Panama sin 500 megawatt di electricidad, ekivalente na un 40% di su demanda total electrico. E suceso aki a origina perdida di ekilibrio den e red Centroamericano y a laga Costa Rica sin energia.

Na Panama, lugar caminda tin hopi negoshi, e corte di luz a sucede net na momento cu presidente Juan Carlos Varela tabata defende su gestion den cadena nacional, cu motibo di su añu number 4 den presidencia di Panama.

Luz di trafico no tabata funciona

Na capital di Costa Rica tabatin un caos riba carretera, ora cu tur luz di trafico a paga. E principal aeropuerto a continua den operacion cu bateria, pero e servicio tabata hopi lento, Germán Valverde, minister di Obra Publico y Transporte a declara. Presidente di Costa Rica a haci un yamado na henter poblacion pa mantene tranquilidad y el a sigura cu institucionalidad di pais ta funciona y cu ta traha pa reestablece normalidad.



Colombia a haya speransa cu prueba di bida di monja secuestra na Mali

COLOMBIA (ElTiempo).- Presidente di Francia, Emmanuel Macron, a compromete su mes pa elimina e banda cu a reconoce cu nan tin secuestra Sophie Pétronin, un rehen Frances. E grupo terrorista di Al Qaeda a reivindica su secuestro den un video cu nan a manda, caminda ta protagonisa 5 rehen, entre nan un monja Colombiano tambe.

Macron tabata presente den un cumbre di paisnan Africano, y a ricibi cu alivio e prome señal di bida di Pétronin. Macron a compromete su mes pa pone tur su energia pa asina elimina e secuestradornan aki, cu a ser yama "terrorista y asesino" pa Macron.


Pétronin ta dirigi un organizacion cu ta yuda mucha malnutri. El a ser secuestra pa homber arma na region di Gao, Norte di Mali riba 24 di december di aña pasa. E grupo terrorista Al Qaeda na Magreb Islamico (AQMI) a presenta un video di 16 minuut di duracion, caminda por mira 6 rehen, tur di nan cu diferente nacionalidad, Australiano, Colombiano, Frances, Rumano, Suiso y otro di Sur Africa.

E rehen Colombiano Gloria Cecilia Narváez Argoti, di 56 aña a ser secuestra dia 7 di februari cu a pasa na Karangasso, suroeste di Mali, na zona di frontera cu Costa di Marfil y Burkina Faso.

Narvaez ta parti di un congregacion di rumannan franciscano y e ta traha na Mali pa mas di 25 aña, den tarea di asisten-

cia y formacion di poblacion rural. E ta un muhe entrega, trahador, segun declaracion di e congregacion di rumanan franciscano di Maria Inmaculada.

Narváez ta monja superior di un grupo di tres monja Colombiano y otro mas di Burkina Faso, kendenan tabata den un mision na region di Sikasso, poblacion situa na 6 ora di Bamako, capital di e pais.



Minister Yrausquin a pone krans na conmemoracion Nacional di e Abolicion di Slavitud

DEN HAAG – Na Oosterpark Amsterdam a tuma lugha riba 1 di juli e conmemoracion nacional di e Abolicion di Slavitud door di Hulanda na 1863 den e colonianan Surinam y Antianan Hulandes; e aña aki 154 aña pasa. Minister Plenipotenciario Juan David Yrausquin a pone un krans den nomber di Gobierno y pueblo di Aruba.

Tabata tin discursonan di minister di Husticia y Siguridad di Hulanda Stef Blok, wethouder di Amsterdam Simone Kukenheim y Antoin



Duel, presidente di NiNsee

cu ta e instituto cu ta organisa e conmemoracion.

Despues di e discursonan tabata tin 1 minuut di silencio sigui pa e parti di ponemento di krans na e “Slavernijmonument”. Banda di Minister Yrausquin, tambe presidente di Eerste Kamer Ankie Broekers-Knol y presidente di Tweede Kamer Khadija Arib, Minister Blok, Minister Plenipotenciario di Curaçao Anthony Beginay Consul General di Surinam Roy Lieuw A Siea pone un krans. E conmemoracion aki a inicia



na 2002 cu desvelo di e “Slavernijmonument” cu ta un obra di e escultor Erwin de Vries.

Durante celebracion di Dia di Bandera

Obispo Secco ta boga pa union den diversidad



WILLEMSTAD - Obispo Luis Secco ta boga pa tin mas union den diversidad na Corsou. Obispo a haci mencion di esaki durante di su discurso na ocasion di celebracion di Dia di Bandera diadomingo ultimo.

Obispo Secco a referi tambe na e muchanan den nos comunidad. E religioso a bisa: “E yunan ta e frutanan maraviosos di nos comunidad.

Nos mester duna nan respet. Y mester duna oportunidad na nos hobennan, pa nan por florece pa por duna e aporte necesario di un comunidad hubenil. Corsou ta un comunidad hoben”. Mas aleu Obispo a indica cu mester duna e hobennan e apoyo y sosten den educacion, deporte, desaroyo completo. “Esey ta e balor cu nos ta desea. Unidad den diversidad, desaroyo harmonioso i progreso basa riba enfasis riba



nos hobennan’.

Minister Marilyn Alcalá-Wallé durante dje ceremonia oficial a para un rato keto na construcion di nos nacion. “Nos ta na un crusada masha importante. Un crusada cu nos por scoge bon of malo. Mi ke pidi henter pueblo di Corsou pa laga nos scoge e caminda bon y pa nos ban sigui construi un miho Corsou pasobra ta hunto so nos por construi un miho Cor-

sou”.

E mandatario a remarca cu kico ta mas bunita ora cu nos por yama nos mes un bon Yiu di Corsou. Siman pasa gobierno di Corsou a decreta e siman prome cu celebracion di e dia grandi aki como e siman di e bon yiu di Corsou. Gobierno ta consciente cu tin hopi bon Yiu di Corsou y cu tin hopi hende ta para keto y wak kico nan por nifica pa nan pais, sea nan ta Corsou of nan ta den exterior.

“Mi ta hopi consciente cu hopi di nos a haci un contribucion grandi pa Corsou y hopi di nos ke sigui haci un contribucion hopi grandi pa Corsou. Mi ke encurasha tur esunnan cu ta haci bon a Corsou, pa sigui radia e positivismo y empeño pa nos por bira positivo y construi un bon Corsou”.

Mencionando un ehempel positivo minister Alcalá-Wallé a referi na e tim di futbol cu a gana e copa Caribense. ‘Riba tereno di deporte Corsou a muestra cu e no tin competencia. A pesar cu Corsou ta chikito y tin recursonan limita, e ta logra e loke cu nos a logra’.

Tambe minister Alcalá a menciona e cuater nominadonan cu a ricibi e Cruz di Merito. Ta trata di 4 Yiu di Corsou cu a pone nos isla local y internacionalmente riba mapa, cu ta un cos hopi grandi. Ta trata di Broertje Marshall (sector culinario) Bernard Peters (tereno spiritual y musical), Profesor Bob Pinedo (medicina), Eric Weederfoort (deporte y recreo).

Marilyn Alcalá-Wallé ta convence cu si radia e positivismo, union den diversidad manera Obispo Secco a bisa, nos ta logra hopi, pasobra no ta loke cu ta distingui nos ta importante, pero e loke cu ta uni nos. ‘I nos ta mira cu e loke cu nos ta haciendo pa Corsou, por uni cada un di nos’.

Mas aleu, minister Alcalá-Wallé a felicita gobierno di Corsou, cu e disponibilidad di e ministernan pa traha hunto y pa ta determina proximo 4 aña haci tur loke cu por pa logra pa Corsou.

Minister di GMN y delegacion a recore Hospital Nobo

WILLEMSTAD – Recientemente Ballast Nedam como contratista principal y SONA como e instancia encargada na nomber di gobierno di Corsou cu construcion di e hospital nobo na Otrobanda, a duna minister Suzy Camelia-Römer di Salud, Medio ambiente y Naturalesa (GMN) y su comitiva un recorrido. Prome den House of Change a duna na e hefe di e proyecto un splicacion

general di e liñanan principal y di funcion di e diferente partinan di dje.

Despues a reparti helm y safty vest pa e minister y su colaboradornan pa e recorrido cu a sigui den e hospital den construcion. Asina e delegacion a haya un miho bista di e forma di atende asunto y di e embergadura di e proyecto, e inversion publico mas grandi den historia.



Morto den trafico na Willibrordus

WILLEMSTAD – Egbert Pablo Boutisma, naci na Corsou 17 augustus 1964 a fayece diadomingo 2 di juli, den un accidente di trafico. Tabata alrededor di 03.06or, cu Central di Polis a dirigi un patruya pa e caminda cu ta bay Willibrordus na altura di Hermanus pa un accidente cu un (1) herido grave.

Na yegada di e patruya policial nan a topa cu un auto di boltro cu homber aden. For di un investigacion preliminar cu polis a haci na e sitio, a sali na cla cu e homber (chauffeur) di e auto aki tabata coriendo riba e caminda di Willibrordus direccion pabou. Pa un motibo cu te na e momento aki ta desconoci, e chauffeur di e auto aki a kita

na su man robes y a bay dal den un pipa di hero/cura di beton y boltro. Na yegada di e patruya policial e chauffeur di e auto no tabata duna señal di bida mas. Alrededor di 04.30or dokter di polis a constata morto di e victima. E victima a fayece a consecuencia di multiple lechon cu el a sufri durante di e accidente.



Caso penal contra Tromp 25 juli proximo

WILLEMSTAD – **Ministerio Publico (OM) di Corsou a dagvaard Emsley Tromp relaciona cu fraude di belasting.**

E prome caso den Corte ta 25 di juli proximo na momento cu durante un regiezitting defensa por expresa nan deseo pa mas investigacion. Hues seguidamente ta tuma un decision riba esaki.

E fecha di tratamento cu con-



tenido ta bay depende si tin mas deseo pa mas investigacion. E investigacion Saffier

a inicia na 2016 cerca e Team Anticorupcion (TBO, como parti di RST) relaciona cu

publicacionnan den prensa tocante posibel malversacion financiero comete door di e sospechoso. Den cuadro di e investigacion a tene algun entrada hudicial, entre otro na Banco Central y na cas di e sospechoso. A scucha testigo y a ricibi documentacion for di exterior.

E investigacion a conduci entre otro na e sospecho cu sr. Tromp deliberadamente no a haci mencion na Servicio

di belasting di entradanan di su 'pensioenopbouw' cu el a ricibi durante e periodo di 2006 te cu 2014. Door di esaki Pais Corsou a perde di gana alrededor di 5.5 miyon florin.

E parti aki di e investigacion a termina y a conduci na e dagvaard pa 25 di juli. E investigacion penal na e sobra echonan ta continua, Mas despues ta tuma un decision pa persecucion penal.

Good to Go with Style.
All-New
picanto

KIA

The All New Kia Picanto brings a youthful and energetic character – boasting an all new design, high-quality cabin and high tech features that are Good to Go.

The Power to Surprise

 Facebook
www.facebook.com/KiaMotorsAruba

TOPCAR Topcar | +297-528-9500 | Caya Ernesto Petronia 21

Clasificado Economico

**PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM
PASA LAGA BO AVISO NA OFICINA DI BON DIA ARUBA WESTSTRAAT #22**

TA BENDE

Piano Classico
Chandeliers nobo, maleta,
casita pa transporta cacho,
surfboard, lessenaar pa mucha
2 pida glass, 2 meter
pa 1 meter 25
Tel: 561 0956

SERVICIO PUBLICO

Se realiza trabajo de pintura y
mantenimiento de casas. Gente
seria y responsable. Buen precio
Tel. 565 8198

TA BENDE

pa motibo di viahe, ta vende
un auto Chevrolet Aveo
año 2005 motor 1.2
Prijs Fls.4.300 negociable
Tel: 563 7626

TA BENDE

Un cas di dos piso na
Papillon di 4 camber y 2 baño
pa 325.000,00.
Tel: 593 6318

TA BENDE

Cas di 3 camber y 2 baño na
Núñez riba tereno propiedad den
un area residencial keto.
Tel: 593 6318

TA HUUR

Cas na Palm Beach
3 camber 2 baño
Afls.2.150
Tel. 733 1201

TA BENDE

Mitad tereno na
Tanki Leendert
1000 m2
Tin dos pa vende
Pa mas informacion
Tel.593 2952

TA BENDE

Ganga- Ganga
Mi ta vende kashi cushina L
form di 1.27X3 mtr y su bar di
2.10. E ta fura cu fornica paden
y pafo. Prijs awg.2.9000
Tel. 593 2952

SERVICIO PUBLICO

Paraiso de Rosa
Ta ofrece su servicio pa cuida
hende grandi. Nos ta vende spe-
cialisa cu pasenshi y servicial
Tel. 566 2687 / 732 2590

SERVICIO PUBLICO

Master Nails
Pa e miho servicio y experiencia
den mantencion y atencion pa
bo hufanan. Yama pa un cita
Tel. 744 9214

SERVICIO PUBLICO

Auto + Hero Bieu
ta cobra Fl.35 pa tira auto bieu
afo y Fl10 pa frigidaire, stoof,
wasmashin etc
Tel. 561 4297 / 561 5179

TA BENDE

Cas na Ruby di 2 camber /
2 baño mas fundeshi pa dos
apartment pa Afl.328.000,00
Tel. 593 6318

TA HUUR

un Apartamento di 1 camber,
no muebla, exclusivo, na
Companashi, Fls.750 mas un
luna di deposito
Tel. 592 9966

TA BENDE

4x off tires pa Toyota Prado
1 luna so uza P265/65R17-
Kr281125 Kenda KR 281125
Avg.230,= P/stuk
Tel. 592 6635

SERVICIO PUBLICO

Market research company is ac-
cepting applications for persons
to work on a project conducting
surveys.
Candidates must be outgoing,
social & willing to work .
Company will train. Please send
resumes to
claudiap17@gmail

TA HUUR

1 Studio apartment semi
muebla, baño separa, excl:
utilidades, area trunkilo
Simeon Antonio
Cel. 594 5576

SERVICIO PUBLICO

Ta traha cas, edificio y
apartment, ta haci tur tipo di
trabou di renovacion profesional
y na un bon prijs
Tel. 566 1530

TA HUUR

Area di Bushiri, un cas
di 3 camber / 3 baño cu pool y
full muebla. Prijs Awg3.300
pa luna y 1 luna di borg
Exclui tur cos
Tel. 593 7366

SERVICIO PUBLICO

Se hace blower y planchado
de cabello y también
keratina
Tel. 564 4456

TA BENDE

Spinashi planta na Aruba na
un bon prijs. Tambe ta vende
mata di spinashi den potchi-
Tel. 567 8832

TA BENDE

Ford Edge 2007
color preto, leather interior.
service up todate na agencia
Tel. 597 7814

TA BENDE

Tereno propiedad pa traha cas
di bo soño Afl.71.000
Tel. 582 8080

TA BENDE

Feria di Fruta
tur diahuebs, diabierna
y diasabra
Tel. 566 6295

TA BENDE

Tereno propiedad na Tamarijn
Afl.68.000
TEL: 582 8080

TA HUUR

un tereno 435 m2, eigendom
inclui un trailer pa oficina
Afl.1.500,= pa luna. Tereno ta
situa patras di Smith and Dorlas,
na Dominicanesstraat.
Pa mas info yama na
Tel. 592 9966

TA BENDE

cas situa na Socotorolaan 25
3 camber cu closet, 2 baño, sala
comedor, cushina, porch, cura.
Central pa tur caminda.
Prijs taxatie rapport Aw.278.000
Prijs pidi den man Awg. 225.000
Tel. 593 0909

TA HUUR

un cas na Papaya,
Full Muebla, 2 camber / 2 banjo
Afl.2.500,=
plus un luna borg.
Yama: 592 9966

TA BENDE

Un Cas plus 5 apartamento
Afl. 480,000,=
Guyabastraat
Yama: 592 9966

TA HUUR

Nieuw full gem. apartm.
2 airco inverter, cable wifi-alarm
excl. water + energie (Elmar
pre-paid) no kids, no pets
prijs p/m 1.500+1maand borg
Tel.585 5521 /565 3228

TA HUUR

un tereno propiedad 425 m2
patras di Don Jacinto, inclui
un trailer cla pa biba,
awa + coriente instala
Afl.150.000
Tel. 592 9966

TA BENDE

Associated Realtors
for sale house at Ruby /
Westpunt with two bedrooms
and two bathrooms on 620 m2
of land with foundation for two
one bedroom apartments and
for \$184,000
Tel. 593 6318

TA BENDE

Tereno propiedad na Tamarijn.
Varios kavel
di diferente tamaño
Tel. 582 8080

TA BENDE

Tereno propiedad na Paradera
Afl.67.000
Tel. 582 8080

TA BENDE

Cas na Rooi Koochi
3 camber 2 baño + apartamento
Construi 469m2. Terreno propio
1484m2 \$399.000- Prijs reduci
Tel. 733 1201

TA BENDE

1 cama 1 persona
semi ortopedico Fls.250
1 recliner 2 persona love seat
Fls.200
1 kashi pa pronkstuk Fls.200
Tel. 560 8929

TA HUUR

2 bedrooms, kitchen, din-
ningroom & living room, 1
bathroom, airco's prepaid
electricity, utilities excl.
quiet area Simon Antonio
Tel. 594 5576

**ABONA PA SOLAMENTE AFL. 35,- PA LUNA Y RICIBI TUR DIA BO CORANTNAN PREFERI
MAS CERCA DI BO!**



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna


☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na accounting@bondia.com
www.bondia24.com**

Skirbi pa drs. Marisol M. Krosendijk

Psicologia y su diferente rumbonan di estudio



ORANJESTAD - E motibo pakico mi a wordo inspira pa skirbi e articulo aki ta paso tur hende tin derecho di wordo trata cu transparencia y informacion corecto. Hopi hende di berdad no ta puntra pa nan sa y no ta interesa pa sa, pero no tin miho manera cu educa bo mes riba informacion cu ainda bo no conoce.

Otro hende por bisa bo locu-
al nan kier bisa. Bo no por
controla esaki. Zorg pa abo sa
riba bo mes, esaki por ta ben-
eficioso. Tin hopi hende cu
por cambia realidadnan den
storianan bunita y por bende
bo berdadnan ahusta na nan
conveniencia. Ademas mi ta
sigur cu pa hobennan cu ta
interesa di sigui den e ramo
aki of nan familiarnan, esaki
por ta un articulo interesante.
Psicologia ta un tereno di
estudio hopi amplio y cu tin
diferente rumbo.

Ora bo haci e estudio di psicologia bo ta conoce tur e direccionnan aki, door di cua bo tin un conocimiento basico di nan. Ora bo bay specialisa den bo estudio bo ta kies un di e rumbonan aki pa bo bay mas profundo den dje. E articulo aki ta pa splica cua rumbonan tin y kico e diferente rumbonan ki ta wanta na mes ocupa cu ne. Pone atencion: psicologonan basico cu a termina nan estudio por traha den diferente funcion.

Psicologia Clinico

E rumbo psicologia clinico
ta un di e mas conocinan.
E rumbo aki ta mantene su
mes ocupa cu psicopatologia,
manera por ehempel trastor-
nonan psicologico manera

trastorno de miedo. Den e rumbo aki tin hopi atencion pa sindromanan, diagnos-

tico y tratamiento. Ora bo ta un psicologo basico clinico bo por traha den Cuido di Salud Mental, na Hulanda yama GGZ (Geestelijke Gezondheidszorg), pero tambe na otro organisacionnan of departamentonan. Paga tino: Ora bo wak e titulo psicologo clinico para un caminda, no ta tur ora ta trata di un hende cu a haci un master di psicologia clinico. Un berdadero Psicologo Clinico ta un psicologo cu a haci un educacion specialisa pa ta psicologo clinico. Esaki ta un educacion despues di un master. Bo tin derecho di puntra si bo kier sa.

Psicologia di Mucha y Hoben

E rumbo aki tambe ta wor-
do yama Psicología Clíni-
co di Desaroyo (Klinische
Ontwikkelingspsychologie).
E rumbo aki ta wanta su mes
bezig cu e desaroyo normal di
muchanan, e desaroyo altera,
psicopatología y e ayudo na
muchanan. Den e rumbo aki
tin atencion pa e problem-
anan cu muchanan por pasa
aden, con trastornonan por
manifesta nan mes

cerca muchanan y con esaki ta diferencia di e trastornonan di hende grandi. Tambe tin atencion pa con muchanan ta siña cierto habilidadnan y con por trece un cambio di comportacion den un mucha. Hendenan cu a sigui e specialisacion aki por traha den e cuidu di Salud Mental (Geestelijke Gezondheidszorg (GGZ)), pero tambe na instancianan cu ta duna yuda cu problemanan di educacion, of por ehempel den enseñansa.

Psicología di ocupacion y organizacion

Esaki ta un rumbo den psicología cu ta hopi amplio. E rumbo aki ta brinda un bista den e dinamica y proceso-

nan entre hendenan den un grupo. Tambe tin atencion pa e relacion pa e relacion entre hendenan, nan trabou, nan salud y e bienestar di empleadonan den un organizacion. Den e rumbo aki bo ta siña con ta e miho manera pa prepara y yuda e empleadonan, pero tambe cua procesonan di grupo ta hunga un rol den e team y con bo por resolve preguntanan for di organisacionnan. Cu e historia psicologico aki bo por traha na diferente compania y bo por ta den diferente funcion.

NeuroPsicologia Clinico

Den e rumbo aki tin hopi atencion pa funcion cerebral altera y e motibonan neurologico y biologico tras di un trastorno of desaroyo altera. Tin atencion pa diagnostica defectonan den e cerebro y e tratamento di deficiencianan neurologico.

Tambe neuropsicologo-
nan clinico por wanta nan
mes ocupa cu diferente
funcionnan di nos cerebro;
pensa akinan ariba memoria.

atencion, habla y habilidad di movimiento. Den e rumbo aki tin forman especifico pa haci investigacion, pensa ariba por chempel un scan fMRI. Hendenan cu ta specialisa den e direccion aki ta traha primordialmente den hospitalnan, clinicanan forensico, departamentonan di geriatria y centronan di revalidacion.

Psicologia Cognitivo

Psicologia cognitivo ta ocupa su mes cu e pregunta con hendenan ta pensa y con hendenan ta digeri informacion. E conocimiento di e area cognitivo siguiientemente ta wordo uza pa inventa solucionnan pa situacionnan cu hende ta wordo enfrenta cu

un centro di ayudo forensico. Psicología Económico: E rumbo aki ta brinda conocimiento social psicológico den comportacion economico. Bo por pensa akinan riba tecnicanan di mercadeo y e comportacion di consumidornan. Cu e specialisacion aki bo por yena yen di funcion, manera por ehempel un profesional den mercadeo of un especialista di comunicacion.


Psicologia Medico: E rumbo aki ta enfoca riba e relacion entre salud fisico y salud mental. Hendenan cu haci e specialisacion aki hopi biaha ta traha den hospital, of por ehempel cerca un dokter di cas.

Psicologia di Deporte: E rumbo aki ta ocupa su mes cu e psicologia tras di deporte; con hende ta presta optimal den deporte y con bo por facilita esaki? Tin tanto factor nan individual cu ta wordo studia, pero tambe factornan social. Bo por bira un psicologo di sport, of un hende cu ta duna consulta of un coach. Tambe bo por bira un investigado p.e. riba e area di prestacion, innovacion y deporte.

Recordatorio di Dia:

Psicologia ta e ciencia di e mente, cerebro y comportacion. Un psicologo no por lesa bo mente. Corda cu un psicologo tampoco no ta perfecto, e no tin tur solucion y e ta keda un humano manera tur otro. Un psicologo por yuda bo por ehempel cu e problemanan cu bo mes no por solucionan den bida y cosnan cu kisas bo no ta comprende. E no ta resolve nan pa bo si. Bay cerca un psicologo no kiermen ningun rato cu bo ta loco. Bo tin e derecho di cambia un psicologo si bo ta desea esaki pa motibonan valido.

Pone bo mes na altura di posibel consecuencianan cu por tin si bo haci esaki. Tambe lo ta bon pa informa bo mes di e rumbo di estudio cu bo psicologo a haci pa bo sa ki bo por spera. E proceso cu un psicologo por ta dificil tin biaha y ta rekeri cu bo ta honesto den informacion, contacto y cu bo cumpli cu mayoria di bo citanan. No laga bo bida wordo defini door di cosnan cu por a pasa bo. Carl Jung, un fundado di psicologia analitico a yega di bisa: “Bo ta ken bo kier kies pa bira”.



Taxista a enfrenta taxi pirata

EAGLE BEACH - Dia-domingo anochi un taxista atento riba J.E Irausquin Boulevard den area hotelero a topa cu un taxi pirata ta brinda servicio na turista. E taxi pirata a yega te na Amsterdam Manor y aki ta na unda e taxista a enfrenta e taxi pirata. Aki ta unda e taxista a yama polis pa asina atende cu e situacion. Patruxa a presenta na e sitio y e taxista a comenta na autoridad kico el a mira y a duna polis e number di auto di e taxi pirata.



Chauffeur a bruha di pedal den drive thru y accidenta



ORANJESTAD - Dia-domingo atardi den e drive thru di Burgerking na playa, a surgi un accidente na momento cu un señora grandi a bruha di pedal di brake y a primi gasolin. Esaki a pone cu e auto a bay dilanti di golpi y bay dal contra un edificio banda pazuid. E impacto tabata fuerte y e señora di edad a wordo herida y paramedico a brinda asistencia e victima na e sitio mes.

Auto a dal tras di otro na Rooi Frances



OPORTUNIDAD PA TRABOW

Un trahado di leishi cu conocimiento basico di carpinte fini y cu ta creativo pa traha cu leishi pa cuadra, potret, t-shirt y mas y tambe cu conocimiento den stretch canvas

Solicita na:

Italiestraat 24 A Lok. # 3 of email bo

CV cu potret na:

admin@lamericagallery.com

Tel.: 583-0800

ROOI FRANCES - Diasabra anochi riba e caminda di Rooi Frances a sucede un accidente caminda cu un Hyundai Accent a dal tras di un Hyundai Elentra. E impacto tabata uno fuerte cu a laga un persona herida. Paramedico a brinda asistencia na persona na e sitio.

DENUNCIA MALTRATO
CONTRA
Hende Muher
BONDIA
Tel: 5835400

Auto dal dos persona cambiando tire banda di caminda

WAYACA - Dialuna mainta trempa riba caminda principal na altura di Wayaca Falls a sucede un accidente basta fuerte. Aki ta unda auto a pasa dal dos persona banda di caminda cu tabata cambiando tira. Patruya cu a presenta na e sitio a topa cu un dama seriamente herida y un cabayero herida.

Polis a constata cu e espacio di e acera cu e caminda debi

cu a pone beton di acera halto ta pone cu autonan ta keda pega cu caminda.

E dos personanan tabata purba cambia e tire di auto, na momento cu un Nissan March a dal ambos persona.

Polis a pone e chauffeur di e Nissan March supla y el a surpasa e limite alcohol pa core auto, aki ta unda a bay over na detencion di e chauffeur di e Nissan March.



Brommer a dal auto cu a sali su dilanti



CURA CABAI - Dialuna marduga a sucede un accidente riba e caminda di Cura Cabai pa Brazil.

Aki ta unda un auto a subi caminda pa bay ariba net

momento cu un brommer ta bahando for di pariba. E motociclista a dal den banda robes di e vehiculo y cay riba caminda. E homber a resulta y ambulance a presenta na e sitio y transporte pa hospital.



Stichting Onderwijs Combina

Peutergroep Prikichi - Basisschool De Schakel – Schakel College

Zoekt per 1 augustus 2017

Docent Engels 2^{de} graads (Parttime)

Het Schakel College werkt volgens de eisen van het Nederlandse en Arubaanse VO en is aangesloten bij Stichting Nederlands Onderwijs in het buitenland.

We zoeken een kandidaat die:

- in het bezit is van een 2^{de} graads bevoegdheid
- meerdere jaren recente leservaring heeft in de onderbouw (mavo/havo/vwo) van het voortgezet onderwijs
- affiniteit en ervaring met gedifferentieerd lesgeven
- een uitstekende beheersing heeft van de Nederlandse taal
- ervaring heeft met meertalige leerlingen
- in staat en bereid is om zorgvuldig om te gaan met cultuurverschillen
- op een positieve manier samenwerkt met collega's en ouders
- uitstekend op de hoogte is van de huidige ontwikkelingen in het Nederlandse en Arubaanse voortgezet onderwijs

Voor verdere informatie m.b.t. deze vacature kunt u contact opnemen met Wendy Jongstra-Maessen, schoolleider, per telefoon 00297-5871583 of via onze website www.schakelaruba.com.

Procedure:

Belangstellenden die aan bovenstaand profiel voldoen, worden verzocht uiterlijk 7 juli 2017 per e-mail een sollicitatiebrief te sturen aan wendym@schakelaruba.com t.a.v. mevrouw W. Maessen.

Stichting Onderwijs Combina : Boegoeroei 7B : tel: +297-5871583 : www.schakelaruba.com : info@schakelaruba.com

Pronostico di tempo

Tempo:

Parcialmente te hopi nubia cu un awasero breve.

Temperatura maximo 32 grado Celsius y temperatura minimo 27 grado Celsius. Solo lo baha awe nochi 07:09 pm y lo sali mañan mainta 06:19 am.

Biento:

For di direccion generalmente oost y

modera te basta fuerte; forsa 4 te 5 (20 te 39 km/ora, 11 te 21 nudo).Durante di dia fuerte te duro den rafaga; forsa 6 te 7 (40 te 50 km/ora, 22 te 33 nudo)

Situacion general di tempo:

Durante di proximo 24 ora lo no bay tin cambionan di importancia den e tipo di clima cu tini actualmente.

Humedad den atmosfera regional lo pone cu temporalmente mas nubia lo forma y produci un awasero breve riba isla di Aruba.

Condicion di lama:

Olanan di lama lo ta for di direccion oost cu altura di 5 te localmente 7 pia. E olanan di mas halto ta na costa noord-west di nos isla.



Aruba a haya su 'Green Faculty' den partnership cu KU Leuven

ORANJESTAD - Despues di añanan di preparacionnan profundo Gobierno di Aruba y Universidad di Aruba ta lansa un programa di investigacion y estudio academico den Ciencia, Tecnologia y Ingenieria (STEM): e Green Faculty.

Partner academico den e reto aki ta e universidad di belgo, 'Katholieke Universiteit Leuven' (KU Leuven'. Representante di ambos institucion a firma e documentonan diabierna atardi den aula di Universidad di Aruba. E partnership ta pa un periodo di cinco aña.

E desaroyo di e Green Faculty tin sosten di e European Development Fund pa e suma di 13.05 milyon Euro. Cu creacion di e programa bachelor STEM den Sostenibilidad cu ta inicia na 2018, Universidad di Aruba lo provee educacion di calidad y educacion relevante den Ciencia, Tecnologia y Ingenieria. E Green Faculty ta bay atrae studiantenan tanto di Aruba como di henter e region.

Gobierno di Aruba ta haci hopi esfuerso pa yega na un Aruba sostenibel den e sentido mas amplio. E desaroyo sostenibel ta enfoca riba un miho calidad di bida pa e



ciudadano di Aruba. E creacion di un pilar economico nobo basa riba conocimiento di economia, sostenibilidad y innovacion ta parti di e politica aki, mescos tambe pa reenforza e lasonan cu Union Europeo.

Di acuerdo cu Reuters, KU Leuven ta e universidad mas innovativo di Europa. E institucion cu tin un historia di casi 600 aña y a wordo funda pa Papa Martin V. Awendia e universidad ta mas conoci pa tecnologia como tambe teologia: KU Leuven ta un di e

organisacionnan di desaroyo mas grandi y independiente na mundo. Prof. dr. Danny Pieters, tabata na Aruba pa firma e acuerdo y prome cu esaki un otro biaha caba, ta vice rector di Humanidad y Ciencia Social y vice rector pa Politica Internacional na

KU Leuven. "Nos ta fascina cu e ambicionnan sostenibel di Aruba. Nos tabata en busca di opcionnan den e parti aki di mundo y Aruba ta e partner perfecto pa nos", Pieters a bisa.

Universidad di Aruba (UA) ta un universidad chikito y unico, y por wordo referi como un institucion academico cu klasnan interactivo unda hopi atencion ta wordo brinda na cada estudiante. E Facultadnan aki ta ofrece programan educacional y actividadnan di investigacion como tambe servicionan na sociedad. Director di administracion Patrick Arens di UA a splica cu e Green Faculty ta ofrece programan cortico na companianan, educacion permanente na profesionalnan cu tin un estudio hopi avansa y un programa di bachelor na studiantenan regular. "Den algun aña nos ta agrega programan master y tambe PhD's."





**SMALL
BUSINESS EVENT**
Saturday July 8th, 2017

**FREE
ENTRANCE**

Registration
starts at 8:00 AM
EVENT 9:00 AM - 1:00 PM

1

9:00 - 9:15
OPPORTUNITIES AHEAD
Minister Economic Affairs -
mr. drs. Richard Arends

2

9:15 - 9:35
PRESENTATION:
• Winner Hackathon
Oranjestad - MONUMNT
• Winner Guardian Group Best Business
Award 2017

3

9:30 - 10:45
**LEARN WHERE TO INVEST AND
HOW TO DOMINATE YOUR MAR-
KET THE RIGHT WAY**
• The Ingredients to Success, by Gianni's
Group
• Technology Advisory and New
Opportunities, by Ace Engineering
• Logistics that Matters: Fast, Iterative
and Smart, by Interport Logistics Aruba
• Make Data Work for Your Business,
by Setar N.V.

BREAKOUT SESSION 1

11:00 - 11:45

1. New Way of Financing Your Business, by Qredits
2. Tax Workshop for Small Business, by PwC Aruba
3. Creating an Effective Web and Social Media
Strategy, by Deloitte Digital

BREAKOUT SESSION 2

12:00 - 12:45

1. How to Minimize Your Insurance Risks as an
Entrepreneur, by Guardian Group Fatum
2. Excellent Customer Service = More Sales,
by Gianni's Group
3. Start and Expand Your Business Right,
by MGM Source

To register call 582 1181 ext. 439
or email l.croes@idea-aruba.com

 **idea-aruba**

Location:
Renaissance Convention Center
www.arubasmallbusiness.com

Rotary Club of Aruba a instala Gerardo Oduber como Presidente pa 2017-2018



Celebrando 56 años
di matrimonio



ORANJESTAD - Awe 4 di juli Sra. Fransisca Gomes Geerman y Sr. Marcolino Gomes ta cumpli 56 años casa. Nan ta haya yen brasa y sunchi di nan yiunan Mark, Valerie, Cynthia, Glenrick, tambe di nan 2 bisanietonan Kyle y JC. Famia ta desea nan hopi años mas di bida matrimonial y cu dios sigui bendicionnan ricamente.

ORANJESTAD - Dialuna 26 di juni 2017, sr. Gerardo Oduber a wordo instala como presidente di Rotary Club of Aruba pa e años 2017-2018. Durante e anochi aki a instala tambe e directiva nobo cu ta consisti di e siguiente miembronan: sr. Frederick Nuboer como secretario, sra. Emilie Arends como Tesorera, sr. Stanley Looman como presidente saliente y sr. Edsel Lopez como Presidente Entrante pa años 2018-2019.

Sr. Edsel Lopez lo fungi tambe como Director di Administracion di Club. E otro directornan lo ta sra. Jessica Wolter encarga cu PR di e Club, sra. Shelby Maduro encarga cu miembresia y alabes secretaria entrante. Sr. Harold Hagens a wordo instala como director di proyectonan di servicio y sr. Don de Veer ta encarga cu Rotary Foundation. Por ultimo a instala sr. Walter Mosher como "Sergeant at Arms".

Presidente saliente, sr. Stanley Looman a refleha ariba su años como presidente y tur e proyectonan cu a wordo ehecuta. Tambe sr. Stanley Looman a instala sr. Fredis Refunjol como "Paul Harris Fellow" pa su bunita

trabao como maestro y den ramo deportivo y como nos Gobernador pa e ultimo 12 años nan. Sr. Wai-Chui Chaong tambe a bira un Paul Harris Fellow reconociendo su dedicacion di mas di 23 años como boluntario na Fiesta Rotaria. Sr. Looman a sigui pa gradici su directiva saliente cu a traha duro e años cu a pasa.

Un gradicimento special a bay pa e man drechi di Stanley, secretario sr. Frans Brinkman unda cu Frans tambe a ricibi un Paul Harris Fellow. Alabes Frans a wordo nombra "Assistant Governor" pa e districto 7030. Sr. Frederick Nuboer a ricibi un reconocemento special como "Miembro di Año".

Despues a sigui e presentacion di presidente sr. Gerardo Oduber cu a splica su plan y metanan pa e años Rotario aki y a encurasha tur miembro pa "Dare to Change" pa asina hiba Rotary Club of Aruba na un otro nivel. Sr. Gerardo Oduber a gradici e directiva saliente pa nan bunita trabao y esfuersonan.

Un danki na e comision cu a organisa e anochi bunita aki y e staf di Divi Resorts y Alhambra Ballroom.

Ethan Westera ta parti di Paseo Herencia su Wall of Rising Stars



ORANJESTAD - Diasabra ultimo Paseo Herencia tabata tin e honor di desvela un hoben talentoso mas riba nan Wall of Rising Stars cual a keda den number di Ethan Westera.

Ethan a nace na Aruba na aña 1997 y a cuminsa haci e deporte di windsurfing na e edad di 7 aña. Na 2008 el a haya e oportunidad pa participa na Aruba HI-Winds na unda el a logra e titulo di tercer luga Slalom bou di 12 aña. Na e mes un aña aki Ethan a logra competi den Circuit Brasileiro unda cu el a gana e titulo maximo di prome luga den categoria di 12 aña bay abou. Esaki tabata

djis e comienzo di un passion pa e sport di Windsurfing. Na 2016 Ethan a gana e titulo di PWA Youth Slalom World Champion y e aña aki el a gana IFCA Elite Slalom World Champion.

Ta di admira cu Ethan su dedicacion na su deporte a lag'e gana mas cu 30 titulo desde cu el a cuminsa practica su deporte.

Diasabra den presencia di famia y amigonan, Valerie Pietersz General Manager a yama e publico presente un bon bini y a splica con a yega na pone Ethan riba Paseo Herencia su Wall of Rising Stars. Mama di Ethan, Samantha Westera, a cum-



insa conta con windsurfing a cuminsa como un hobby y poco poco bira un deporte cu Ethan kier a bira un profesional aden. Durante e ceremonia tambe a entrega e premio di e "Challenge Cup" na Carmen Geelkens. E "Challenge Cup" ta wordo entrega tur aña na e atleta local cu a mehora mas den su deporte.

Minister Alex Schwengle tambe a duna un discurso y felicita Ethan y bis'e con orguyoso e ta di dje. Paseo Herencia un biaha mas kier a felicita y desea Ethan hopi exito den su futuro retonan y pa e sigui ta un chempel pa e otro hoben nan.

FOR ALL YOUR FLYER DISTRIBUTIONS



Call: 582-7800
email: accounting@cspnv.com

Aruba cu yen di medaya na CCCAN

ORANJESTAD – E teamnan di landamento y tambe di landamento sincronisa a duna un tremendo presentacion na e Campeonatonan di Centro America y Caribe CCCAN, cual a tuma lugar na Trinidad & Tobago.

Landado Mikel Schreuders a logra un medaya di oro den e distancia di 10m free (18+) den un tempo di 50:55 cual tambe ta un record Arubano nobo. Tambe el a logra un medaya di plata den 400 m free y di brons den e distancia di 50m breast stroke. Daniel Jacobs tambe a logra oro den e distancia 400m free, cu un record nacional. Jordy Groters a gana e medaya di plata den e distancia 100m breast stroke y a pone tambe un record nacional. Anahi Schreuders a logra plata den 50m breast stroke cu tambe un record Arubano nobo. Keeley Maduro, Flory Kock, Elisabeth Timmer y Anahi Schreuders a logra medaya di plata den 4 x100 free y un medaya di brons den e 4 x 200 free.

Landamento sincronisa
E seleccion di Aruba a gana e titulo di 'overall' di CCCAN. Tambe a bira campeon den e categorianan di '12 and under' y 13 pa 15 aña. Den e categoria 16 pa 18 aña Aruba a sali di dos.

Avigayle Tromp den categoria '12 and under', Kainah Croes den 13-15 aña y Abigail de Veer den 16-18 aña, nan tres a gana oro. Mikayla Morales y Avigayle Tromp tambe a gana oro como duet. Mes-cos cu e duet Kainah Croes y Meghan Tromp. Abigail de



Veer y Maryjane Wong a logra plata den nan categoria den e disciplina duet. Finalmente Avigayle Tromp, Mikayla Morales, Ariana Dijkhuizen, Edianne Croes, Zahira Varis, Abigail Sanchez y Ambar Sil-

va a gana oro den e disciplina pa team den e categoria '12 and under'.

(varios potret: cortesia di 297 Sports).



Royal Power Tat Fat Home Depot ta elimina Suffisant Eagles di Corsou



ORANJESTAD - Champ of the Champs 2017 den su di 11 edicion dedica na Bibiano Croes a continua fin di siman riba veld di Dragon Hitters na Barcadera. E fuerte ekipo Sv Royal Power kende por cierto tin 8 titulo bao su faha

den Champ of the Champs den 10 aña a bolbe pasa yega final eliminando Suffisant Eagles di Corsou diadomingo merdia cu score di 7-3. Un bon wega cu te den di 4 inning tabata empata na 3. Den 5 inning rightfielder di

Corsou ta comete un eror costoso unda Royal Power a probecha mesora pa pica ariba 4-3. Royal Power den bom di 6 inning ta rally pa sigura e wega anotando 3 careda mas. Asina Royal Power Tat Fat ta pasa un biaha mas pa final y

lo enfrenta e ganado di Mariners vs Balashi Premuim. Royal Power 7 careda, 10 hit, 1 eror. Suffisant Eagles 3 careda, 8 hit, 2 eror. Eudomar Toyo ta resulta pitcher ganado. Antonio Medina ta bay cas cu e derota. Miho ba-

tiadonan pa Royal Power ta Eldrick Dijkhoff 3-2 y Luis Pelayo di 4-2. Pa Suffisant Eagles a luci na plato Mairon Isenia 2-2, Wendsley Selberia y Randy Lo A Tjon di 1-1. Champ of the Champs den su recta final.

Kiwanis Club of Palm Beach ta contribui cu e tres seleccion di Basketball



ORANJESTAD - Recientemente, e seleccionnan nacional basketball di U13, U 15 y U18 a biah pa competi na un torneo internacional na Puerto Rico. E torneo aki ta wordo organisa pa FIBA cu e ta federacion internacional di Basketball. Kiwanis Club of Palm Beach a probecha e momento aki door contribui cu e travel T-shirt pa tur seleccion pa asina nan por representa

Aruba dignamente. Kiwanis Club of Palm Beach ta desea tur tres seleccion hopi exito y Aruba ta orguyoso di boso nan caba. Mas cu claro cu e contribucion aki no lo ta posibel sin e aportacion di pueblo di Aruba cu ta sostene e eventonan di Kiwanis Palm Beach, manera e Masquerade Party, e Carnaval Tent riba L.G. Smith Boulevard, e Auction Night y e Nostalgia Party.



RCA ta invita su fanaticada pa nan gran wega final awe nochi

SOLITO -Awe diamars anochi 8or Aruba completo ta invita pa e ultimo wega di campeonato 2016-2017. E makinaria Tricolor cu a start su preparacion 11 luna pasa a yega awo na e ultimo 90 minuut di e temporada. Directiva ta invita un y tur pa yega y yena stadion Centro Deportivo Guillermo Prospero Trinidad. Bisti bo jersey Rood Wit Blauw y cu hopi animo y respet ban apoya nos Soldatnan di Solito.



Team di Train Hard Fight Smart ta train cu Henk Meijer



ORANJESTAD - Despues cu e atletanan a registra nan a haya sa cu nan ta bay bringa diahuebs den nan categoria y Henk Meijer a pone su plan di accion traha mesora.

Training a start dialuna mainta trempan y Zahyon Klabér y Jourde Klabér a bay core rond den e veld di bala. Henk Meijer a plania pa nan train atardi den e sala di e evento, pasobra eynan tin

dos sala grandi y tur hende por train. Durante di e training Henk Meijer tabata splica cada un di e atletanan kico tur nan mester haci y kico tur e ta spera for di nan y ya caba Henk Meijer a mira den e atletanan kende si y kende no.

Mirando cu ta diahuebs nan ta bringa, Henk Meijer a bisa nan cu nan lo train tur dia menos diaranson, pasobra diaranson nan mester pisa pa

diahuebs nan bringa. E unico cos fastioso cu ta sinta awor aki ta cu manera tur biaha tur 4 ta bringa ariba e mesun dia y probablemente pareu. Tin 5 veld cu tur dia ta bon ocupa cu bringamento. E Chuncheon Open di Korea ta wordo considera e Open di mas grandi cu tin na Asia y hopi Pais rond mundo ta opta pa bay Korea. Hopi Pais ta combina e Open di Korea cu camp training y campeonato su tras.

Visit the Aruban Donkey Sanctuary

Soft drinks and ice cream on the terrace.
Roaming donkeys in their habitat.

Open daily from 9am until 4pm
In the weekends from 10am until 3pm

How to get there and for more information:
www.arubandonkey.org
or call 593 2933

TUARY ARUBA
DONKEY
SANCTUARY

**FREE
ENTRANCE**



Kinsasha van der Bliet (ReD):

Prosperidad real di un pais

ORANJESTAD – Diahuebs dia 29 di juni 2017 mi a wordo presenta como candidato ariba lista di partido politico ReD democratico. A pesar di a oficialmente tuma e reto aki algun dia atras, mi ya tabata tin algun tempo ta sigui e desaroyonan ariba tereno politico.

Activamente riba Facebook mi a vocifera mi pensamentonan tocante e estado di nos pais cu algun live FB sessions titula “Ban Papia Stret”. Ora cu mi a cuminsa vocifera mi pensamentonan esaki tabata cu e meta pa por conscientisa e pueblo y vooral cu bista ariba mi fellow millennials. Cu urgencia cada biaha mi tabata haci un apelacion pa nos ‘habri nos wowo’ y obhetivamente analisa e estado di nos pais. Pa nos evalua den un manera critico y honestamente contesta e pregunta cu si en berdad nos estado actual y e rumbo riba cual nos ta, ta refleha un futuro prospero pa un y tur.

Segun mas mi tabata participa den combersacionnan ariba tereno politico mas tabata bira obvio cu un caminda e comprendemento di kico un pais ta consisti di dje y tambe kico e ta nifica ora un pais ta prospero, den mi opinion, ta robes bou di gran mayoria di e pueblo. Y mi a busca pa compronde dicon esaki tabata asina. Y mi a yega na e conclusion cu e comprendemento di e terminonan aki ta robes paso ta asina nos pueblo a wordo educa pa pensa. Nos gobiernonan a bin pa asina hopi tempo ta pone enfasis grandi ariba priminti y ehecuta desaroyonan den infraestructura y embeyece Aruba y yama esaki prosperidad di un pais. E hecho cu e gran mayoria di e pueblo a bin acepta esaki como factor cu ta midi prosperidad ta un psicologia completo ariba su mes. Pero un caminda tin speransa, paso un pueblo cu a wordo educa pa pensa den un manera por wordo reeduca tambe!

Akinan ta unda mi kier cumpli cu mi tarea di educa y ofrece un analisis cortico y simpel. Si awe mañan cada un persona ariba di nos pida baranca cu yama Aruba wordo movi pa un otro pida

baranca y sobra solamente e infraestructura, kico gobernantenan lo tin pa goberna? Absolutamente nada! No lo tin un pais pa goberna! Ora cu nos referi na nos pais nos tin cu haci esaki consciente cu esey ta nifica nos hendenan y ora nos ta papia di prosperidad pa nos pais nos ta papia di prosperidad pa nos hendenan. Infraestructura no ta un factor cu cual por midi prosperidad, paso esaki no ta afecta e prosperidad directo di nos hendenan.

Prosperidad di un pais ta ora educacion ta haya su atencion debido, cu maestro/a nan tin material adecua, cu tin un diversificacion den nos sistema educacional, ora cu nos pensionadonan cu a traha henter nan bida por disfruta di nan pensioen trankil den nan behes, ora cu famianan no tin cu preocupa pa un bon cuido pa nan grandinan pasobra tin suficiente cas pa cuido di anciano pa cumpli cu e demanda, ora cu hobennan por reuni den areanan di recrea y haci deporte, musica, arte, poesia, baile of cualkier otro actividad sano sin ningun gasto mara na esakinan en bes di ta sinta na cas despues di scol sin ningun opcion saludabel pa recrea, ora cu finansa den un hogar ta yega pa cubri gasto y ta resta pa por inverti y/of spaar paso e poder di compra ta balansa, ora cu nos hobennan por bay sigui nan estudionan avansa sin mester preocupa cu ora nan caba nan tin un hypotheek como debe di estudio, ora cu nos cuido medico cu nos ta paga pe ta optimal y cu nos hendenan no ta sinti necesidad di bay den exterior pa busca nan salud, ora cu nos hendenan ta feliz pasobra oportunidadnan ta den abundancia y igual pa tur.

Nos gobiernonan te cu awo a faya nos como pueblo, ta momento pa e pueblo lanta ariba y scoge pa cambio real y duradero. Vota consciente pa por trece den mocion e cambionan cu nos pais merece. Vota consciente pa por sigura cu e pueblo haya representantenan y gobernantenan cu vision y e interpretacion correcto di kico ta e factor cu ta midi prosperidad di un pais. Esey semper lo ta y semper lo keda nos hendenan!





Apertura Cede

PARADERA

SHIRIBANA 12 B

(OTRO BANDA DI SUBWAY)

DIASABRA 8 JULI 2017

8:00 PM - 12:00 AM

BAR Y CUSHINA

BON SURTI

ANIMACION MUSICAL

METROPOLIS | HONEY POT

ROBERT Y SU SOLO BANDA SHOW

HUNTO P'E CAMBIO

#SINMIEDO



E entusiasmo cu habitantenan ta ricibi nos ta grandi

MEP a bishita barionan di Cashero y Zumbo



ORANJESTAD – Como ya ta un tradicion den temporada electoral, Partido MEP ta bishitando pueblo cu e intencion di cubri tur bario y tur cas di Aruba cu nos mensahe di cambio pa nos pais.

forma un ambiente riba caminda pa asina Cashero y Zumbo y Santa Cruz henter sa cu MEP ta den bario. Y asina habitantenan a habri porta pa nos y a ricibi nos cu brasa habri.

Ciudadanonan di Santa Cruz tambe ta pidi pa un cambio. Mayoria ta expresa cu Aruba no ta e Aruba di antes mas unda cu por a biba tranquil cu porta y bentana habri. Aruba mester un cambio completo



riba e tereno di seguridad y criminalidad. MEP lo trece orden y respet bek. Costo di bida halto ta un preocupacion tambe hopi grandi riba nos isla. No tin control di prijs riba productonan di necesidad den supermercadonan. MEP lo introduci mas producto den nos macutu basico pa alivia e situacion aki.

central atrobe. MEP ta e solucion pa trece cambio pa un miho economia y calidad di bida pa cada ciudadano. Hunto nos lo logra esaki. MEP lo ta drentando tur skina di Aruba cu nos mensahe di cambio”, Lider di MEP sra. Evelyn Wever-Croes a expresa.

“MEP su compromiso cu Aruba ta pa pone e hende

Sigui nos riba nos pagina di Facebook pa bo por keda informacion di tur nos eventonan.

Candidatonan hunto cu nan sostenedonan, tur dia ta bishita casnan pidiendo e confiansa y sosten di voto pa Partido MEP goberna nos dushi Aruba.

Den fin di siman Lider di Partido MEP, sra. Evelyn Wever-Croes hunto cu candidato y sostenedonan a drenta cu hopi entusiasmo den bario di Cashero y Zumbo na Santa Cruz. Un grupo grandi di campañadonan a



Joselin Croes POR:

Nos pueblo no por biba ni come di klinkers y asfalt

ORANJESTAD –Despues di a bishita hopi cas den San Nicolas, Tanki Leendert y Noord e critica cu mas Joselin a haya di e famianan cu e la bishita ta, cu e gobierno actual a malgasta e placa di pueblo riba asfalt y klinkers, pero cu e hende mes no a conoce un progreso den nan bida diario. Nan ta sinti cu nan ta biba di salario pa salario.

Con nan ta defini progreso y bienestar?

Prome cu tur cos nan ta bisa cu e costo di bida na Aruba a bira hopi caro y cu nan salario no ta yega pa por cumpli cu nan debenan.

Di dos nan no ta sinti nan mes sigur mas riba caya of

den cas. Nan ta bisa no tin control ni riba caminda ni den barionan.

Di tres nan ta bisa cu cuminda, awa, coriente cu ta e cosnan basico cu bo mester pa biba ta hopi caro.

Di cuater nan ta bisa cu e gastonan di bida y gastonan escolar di na yiunan a bira hopi caro y pa esnan cu tin yiu cu a caba di gradua nan critica ta cu nan no por haya trabou paso economia ta stagna.

Pa esnan cu ta huur cas nan ta bisa cu nan ta frustra cu tur luna mester paga huurnan carisimo paso no tin tereno pa nan y no tin casnan social.

Manera boso por ripara nan no ta midi nan progreso y bienestar na cosnan di luho,

edificionan bunita, klinkers, asfalt, smart communities etc. Nan ta midi nan bienestar y progreso na por biba tranquil, preferibel den un cas propio, un empleo cu un salario cu ta cubri e bestaans-minimum, un bon estudio y trabou pa nan yiunan, seguridad riba caya y den nan cas y cumindanan na prijsnan controla.

Proximo gobernacion POR su prioridad ta e hende. Cada famia mester por yega na nan propio cas, nan salario mester por cover nan gastonan basico, educacion mester ta accesibel na tur hende, mester bin cu un economia nobo pa crea cupo di trabounan nobo, mester bin cu reforma fiscal pa laga e hende cu mas placa

den su saco pa e por paga su gastonan, mester bin un miho transporte publico y por ultimo mester brinda nos hobennan e oportunidad pa ta creativo y activo despues di orario di scol cu arte, deporte, musica y tecnologia y asina yuda e mayornan cu ta traha te cu 5or di atardi.

Unabes bo logra yuda e hende prospera bo ta yuda bo comunidad prospera, unabes bo comunidad prospera bo pais completo ta prospera y nos ta “one happy island” di berdad y no riba sticker so. Joselin ta convenci cu Aruba masalmente ta bay vota pa e cambio cu Aruba tanto ta anhelar dia 22 di september.



Kenny Montero (POR):

Sterilisacion di animalnan y conscientisacion di doñonan di animal e solucion di bestianan riba caya

ORANJESTAD – Ultimo tempo nos por ripara riba rednan social e problematica di cacho y pushinan indesea cu ta termina riba caya ta for di control. E Problema di bestia riba caya no ta asina for di awo, sinembargo e ta un problema cu pa hopi aña a wordo negligia.

Ultimo tempo a mira esfuerço di diferente departamento/organizacion a cuminsa lanta cabes y tabatin diferente campaña di sterilisacion. Tambe a logra introduci un Ley di Cacho cu e meta pa controla e problema di cachonan cu tin riba caya cual riba su mes ta un bon iniciativa, sinembargo falta hopi trabou ainda.

Partido Pueblo Orguyoso y

Respeto (POR) tin e problema aki hopi na pecho y tin su atencion pa cu esaki. Posicionando mi mes riba lista di POR, manera diferente persona por a wak via Facebook entre otro, cu esaki ta algo cu mi ta hopi pasiona cu ne, banda di mi profesion cu mi ta ehersce cu ta sirbi comunidad den Cuerpo Policial. Durante dia mi ta atende diferente caso riba diferente tereno sea ta situacion/problema social cu hendenan grandi, hobenan, adictonan ambulante y tambe bestia entre otro.

Pa loke ta bestianan particularmente, mi ta tratando di conscientisa e pueblo Arubano di e problematica aki y con lo por minimalisa esaki. Ami ta kere fielmente cu conscientisacion di e doñonan di

bestia, pa muestra nan riba nan responsabilidad como doño responsabel. Tambe sterilisacion di bestianan di caya lo ta e solucion pa minimalisa e cantidad di animalnan indesea cu ta termina riba caya y tambe esun nan cu ta termina den e infamoso “Kill Cage”. Ami ta kere cu en bes cu Gobierno funda e “Kill Cage” so. Lo ta un miho idea pa e uza parti di e suma ey y funda e fundacionnan, cu tin na Aruba cu ta organisa campananan di sterilisacion di cacho y pushinan di caya. Tambe conhuntamente cu e veterinarianan na Aruba, organisa campananan algun biha pa aña, unda cu doñonan di mascotanan por hiba nan mascotanan sterilisa na un costo reduci. Esaki sigur lo bai reduci e cantidad di bes-



tianan indesea riba caya y na mes momento reduci animal-

nan cu ta termina den e “Kill Cage” na Wayaca.

Prome Minister Eman:

“Nos ta yegando mas cerca di e punto di inauguracion di e brug di Green Corridor”

ORANJESTAD – Diabierna mainta Prome Min-

ister Mike Eman compaña pa su colega di Infraestruc-

tura Benny Sevinger y di Husticia Arthur Dowers, a presencia momento cu e prome caba di asfalt a wordo poni riba e brug di Green Corridor.

E trabou aki ta marca otro punto hopi importante den e totalidad di e proyecto Green Corridor cu pa semper ta cambia e sistema di trafico di Aruba. Pa prome biaha den existencia di pais Aruba, ta conoce carretera di 4 via, 2 pa cada direccion, for di aeropuerto te na Pos Chikito, pasando riba un brug cu un diseño hopi moderno.

“Cu e fase di trabou aki ta demostra cu nos ta yegando tambe na e punto di inauguracion di e brug. Mi a wordo a splica cu den luna di augustus, despues cu e pasa den tur testnan tecnico, Aruba lo por tuma e brug den servicio pa haci e apertura oficial.

Sin duda esey lo ta un dia grandi, e dia di inauguracion di e brug, cu ta forma parti integral di nos vision di e proyecto Green Corridor.” Ademá, e mandatario a bisa, parti di e vision di 4-baan-sweg ta crea mas seguridad

den trafico. Ya caba cu tur e cambionan haci den e aspecto di infraestructura, por constata cu tin menos accidente di trafico.

Para na e brug, Prome Minister Mike Eman a bisa cu e no por evita cu su pensamiento ta bay bek na 2010 ora cu a biaha pa Hulanda pa busca ayudo di expertonan di Rijkswaterstaat riba realisacion di 4-baans weg, minimalisando e daño riba naturalesa.

Nos a haci escogencia pa haci’e 4-baans te cu Pos Chikito y drecha e otro tres

arterianan cu ta bay direccion di San Nicolas. El a haya e nomber di Green Corridor, pa scapa e naturalesa door di no uza e ruta scogi anteriormente.”

E proyecto aki a wordo realisa door di e empresa internacional ODINSA y esun cu a guia e proyecto tabata Carlos Zubietta, kende Prome Minister Eman a gradici pa su pasenshi y confiansa cu ODINSA a pone den Aruba tumando e proyecto aki via e sistema di PPP (Private Public Partnership) cu semper tin riesgo pa su empresa y asina mes a acepta e reto.



Andin Bikker y experto riba siguridad Dr. Peter Tarlow a firma letter of intent pa incorpora Caribbean Security Institute



ORANJESTAD – Na 2014 Parlamentario mr. Andin Bikker hunto cu un delegacion di Parlamento a asisti na un curso di siguridad den turismo na Merca. Asina a cera conoci cu Dr. Peter Tarlow, kende ta un experto mundialmente renombra riba siguridad den e industria di turismo y durante eventonan internacional.

Tarlow ta autor di bukinan manera “Tourism Security: Strategies for Effective Managing Travel Risk and Safety” y “Event Risk Management and Safety”.

Na varios ocasion Dr. Peter Tarlow a bin Aruba y e tin un gran aprecio pa nos isla y su habitantenan. Pa es motibo

aki mes e kier duna di su parti pa yuda Aruba referente e tematica di siguridad di turista y prevencion y combatiemento di criminalidad en general. Durante di su bishitanan na islanan den Caribe Dr. Tarlow a constata cu tin un necesidad pa introduci un academia pa por profundisa na un manera cientifico y estructura riba e tematica, mirando e diferente retonan cu areanan den Caribe y rond mundo cu ta depende grandemente di turismo ta pasando door di dje.

Asina a dicidi conhuntamente cu Parlamentario mr. Andin Bikker di firma un letter of intent pa bay institui un academia yama “Caribbean Security Institute”, unda cu lo bay haci research y duna

cursonan anual. E academia aki lo percura pa mas cu 300 turista bin Aruba pa seminarionan anual cu lo wordo organisa dor di e academia, y di e manera aki ta subraya cu den Caribe y specialmente

45 dia lo bay over na incorpora e academia unda cu lo bay enfoca riba Aruba y Caribe.

Por ehempel hermana isla Corsou tin hopi atencion riba siguridad di turismo cu crea-

cion reciente di “PoliTur”, esta un departamento di e Cuerpo policial cu ta dedica na siguridad di turista.

Ya caba Cuerpo policial di Corsou ta haciendo uzo di e experticio di Dr. Peter Tarlow. Andin Bikker ta considera cu e prome paso tuma pa medio di e letter of intent pa creacion di Caribbean Security Institute algo sumamente positivo y historico pa nos industria di turismo y nos Pueblo en general.

Testigo di e ceremonia di firmamento di e letter of intent tabata entre otro Sr. Ernst Mohamed, Presidente di Camara di Comercio y Industria, kende basicamente a expresa di ta haya e iniciativa uno hopi positivo pa nos isla.



na Aruba tin atencion pa e dimensionnan di siguridad di turismo, siguridad en general di nos Pueblo, y pa asina yama “Event risk management”, esta siguridad durante eventonan.

Dr. Peter Tarlow tin mas cu 25 aña ta duna curso y conseho na diferente luga rond mundo, entre otro na Las Vegas, Merca, cual destinacion ta haya un averahe di 43 milyon turista pa aña.

Den e letter of intent firma ta expresa cu den transcurso di



Dangui Oduber (MEP)

Grandioso fundraising BBQ den fin di siman

DAKOTA – Dangui Oduber cu ta miembro di parlamento y tambe candidato di partido MEP a tene un fundraising BBQ event 2 di juli 2017 den curason di Dakota.

Dangui ta trahando hopi duro pa asina haya contribucion di pueblo pa hiba su campaña politico. Na un manera habri y transparente ta pidi pueblo un contribucion chikito pa asina yega na fondonan.

E hoben politico cu ta trahando dia y anochi pa logra e cambio cu pueblo ta anhela a ricibi miles di hende riba diadomingo na Cede di MEP Dakota.

Un evento sumamente exitoso y esaki ta danki na tur esnan cu a contribui y sigur



danki na e team di Dangui Oduber. Un team hoben, dinamico y cu hopi energia cu ta yuda Dangui tur dia y na tur momento. Esakinan ta boluntarionan real pasobra tur ta haci e trabou di curason pa e amor cu nan tin pa nan pais.

Dangui Oduber kier a gradici su team grandi cu e tin su tras pa e yudansa pa haci e evento aki posibel y tambe gradici di curason tur esnan cu a bishita e evento diadomingo 2 juli.

E sonrisa y calor cu tur hende cu a bin busca nan BBQ ta un estimulo pa sigui traha duro tur dia pa asina nos por logra cambia direccion di e pais aki y garantisar un miho futuro pa e siguiente generacion.

Hunto nos lo logra e cambio.



Señor Tata di misericordia, habri Bo brasanan yen di ternura pa nos querido defunto. Despues di un peregrinacion, aki riba tera, e ta yega na porta di Bo cas. Sali na su encuentro y bras'e cu amor. Lag'e sinta hunto cu Bo na mesa di fiesta eterno. Amen.

Cu inmenso tristesa nos ta anuncia fayecimento di nos ser keri:



Sra. Viuda: Cleotilda Agata

Krozendijk-Krozendijk

Mihor conoci como Mama Tida, Cotty y Chichi
*16-03-1024 - + 28- 6-2017

Na number di su :

Yuinan: Filomena y Frans Croes- Krozendijk
Alfonso "Boei" Krozendijk y Ulrika Jacobs
Pedro "Shonpe" y Glenda Krozendijk-Kock
Andres "Dolf" y Isaura Krozendijk-Sarda
Glenda Krozendijk y Jose Fernandes-Perna
Edwin Krozendijk
Ruben y Marlyn Krozendijk- Penja
Mirto Krozendijk
Hildreth y Rene van den Berg-Krozendijk
Mescos cu yui: Jose Do Nascimento y Roosje Starke
Eveline Lacle y famia (Corsow)
Mescos cu famia: Elvia Taborda-Lopez Zapata (Medellin Colombia) y Diane Horowitz y famia (New Jersey)
Nietonan: Seever y Jessica Krozendijk-Kelly y yuinan
Dietwin Krozendijk y Merrely Franken y yuinan
Isandra Krozendijk y yuinan
Albee y Roxenne Fernandes-Perna- Mathilda y yuinan
Eliza Fernandes-Perna
Reuben y Tahnee Krozendijk
Kevin van den Berg
Willy Dirksz y famia
Mescos cu Ele Romero Loor
Nietonan: Maria "Dietje" Romero Loor
Bisanietonan: Keaneeh, Jaydech, Kealah, Kyriah, Ly-Ann, Andrew, Cayden, Elisha y Jeon.
Rumannan: Sra Vda. Anna Maria Kock-Krozendijk y famia
Sra. Juliana "Ninita" Krozendijk
Cuña y Swa: Sra Vda. Alicia Krozendijk-Farro y famia
Sr. Alfred Maduro y famia
Tantanen: Sra Vda. Ervilia Croes- Krozendijk y famia
Sra. Vda. Supriana Luciano y famia
Sobrinu- y sobrinanan, primo- y primanan, comer y comp-
ernan, ihanan, bisñanan , amigo- y conocirnan.
Demas famia: Krozendijk, Krosendijk, Croes, Kock, Sarda, Fernandes-Perna, Penja, van den Berg, Camacho, Farro, Maduro, Mathilda, Bikker, Koolman, Luciano, Kolman, Ras, Damian, Vrolijk, Do-Nascimento, de Cuba, Theysen, Taborda-Lopes Zapata, Tromp, Comenencia, Romero-Loor.
Su ayudantenan: Sra. Dika Mercado y Sra. Carmen Rosa Rodriguez. Su bon amigonan di cas : Berny y Nando Schouten, Helen y Betto Ruiz, Felipe y Rosario Loor, Ninita y Chibi de Cuba, Maria Webb y famia, Maria Montilla y famia, Silma Oduber y famia,
Bertha Comenencia y famia y Sita Werleman y famia, Sita Roos.
Ta invita tur famia, amigo, bisña y conocirnan pa asisti na acto di entierro cual ta tuma lugar DIAMARS 4 juli 2017 for di 2'or pa 4'or di atardi na misa Inmaculada Concepcion na Sta. Cruz despues pa Santana catolico Santa Maria.
Adres pa condolencia ta Aurora Funeral Home na Cumana : DIALUNA 3 juli 2017 for di 7'or pa 9'or anochi.

Nos ta disculpa nos mes si den tristesa nos a lubida un famia.

Tin algun luga ainda pa 'Ban Move Camp' 2017

ORANJESTAD –'Ban Move Camp' ta un actividad cu ta wordo organisa anualmente door di Ministerio di Deporte, ASU y IBiSA cu sosten di Fundacion Lotto pa Deporte.

Ban Move Camp ta wordo organisa den luna di juli y cada siman ta na un localidad diferente. E aña aki e prome siman dia 10 te cu 14 di juli 2017 e camp ta na Centro Deportivo Betico Croes na Sta. Cruz e di dos siman dia 17 te cu 21 di juli 2017 ta sigui na Sportcetrum na San Nicolas y e ultimo siman di 24 te cu 28 di juli 2017 e ta tuma luga na Compleho Deportivo Frans Figaroa na Noord.

Tin algun luga ainda na Centro Deportivo Betico Croes Sta. Cruz y na Centro Deportivo Frans Figaroa. Inscripcion ta habri na tres localidad. Esaki ta posibel for di 8'or di mainta te cu 12'or di merdia y for di 1or di merdia te cu 4or di atardi, na oficina principal di IBiSA situa na Frankrijkstraat na Arubaanse Sport Unie (ASU) na Centro Deportivo Betico Croes y na IBiSA Sport Centrum na San Nicolas.

Ta corda mayornan cu tin solamente 100 cupo disponibel den cada camp. Na momento cu yega e cantidad di cupo, no ta tuma mas inscripcion. Alabes ta informa na mayornan, cu no ta tuma inscripcion mas riba e dia di camp ta cuminsa mes. P'esey ta pidi mayornan pa acudi trempa pa segura e cupo di bo yiu. Ta existi pa e muchanan bin cu keds y short, pa nan desayuna prome cu nan bin mainta.

Informacion di 'Ban Move camp':

E orario di e 'vakantie camp' ta for di 8or di mainta pa 1or di merdia, pa muchanan di 6 pa 14 aña cu ta bayendo Scol Basico. Durante e camp, e muchanan ta haya un programa organisa y varia cu ta encera 'Deporte y Movecion' tur dia.

Requisito na momento di inscribi:

Un mayor of voogd di e mucha mester pasa personalmente pa inscribi y mester trece e carchi di AZV (valido) di e mucha pa por registra su number di AZV pa e wordo segura. Na momento di inscripcion ta haci e pago tam-



be. E costo di participacion na e 'vakantie camp' ta Afl. 25,- pa 1 yiu. Ora ta 2 yiu esaki ta Afl. 40,- pa nan 2. Y ora ta 3 yiu e participacion ta bira Afl. 60,- pa nan 3. E costo di participacion ta pa siman, y e

ta encera cu e mucha ta ricibi un T-shirt y diariamente tambe 1 sandwich, 1 juice y 1 fruta. Pa mas informacion por tuma contacto cu oficina di IBiSA 582 4987 of ASU 585 4071.

*Ora e solo di bida baha,
streanan ta ilumina e recuerdonan*



SVb, Banco di Seguro Social, ta extende su mas profundo condolencia na colega
Ruben Krozendijk y famia
cu fayecimento di su mama

Sra. Cleotilda Agata Krozendijk-Krozendijk

Hopi forza den e momentonan dificil aki.
Cu Sra. Krozendijk sosega den paz di
Señor.

ir. Edwin M. Jacobs
Director

SVb - Seguridad pa Aruba su comunidad



Cu honda pena pero conforme cu Dios su boluntad nos ta
anuncia fayecimento di

Sra Cleotilda Krozendijk
mihor conoci como "Mama Tida"

Mama di presidente di directiva
Ruben Krozendijk
Suegra y wela y di nos miembronan
Marlyn, Reuben y Thanee Krozendijk

Forsa na su famianan
Cu Mama Tida sosega na paz



Tel: 593-0857 / 588-6699 / 560-1403
Fax: 588-6698

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Conforme cu boluntad di Dios, nos ta anuncia
fayecimento di :



Chamel Eloy Streedel

*20-04-1954 - †01-07-2017

Cu Dios duna “Chamel” paz eterno.



Tel: 593-0857 / 588-6699 / 560-1403
Fax: 588-6698

Mira con Dios a salba mi,
Tur mi confiansa ta den djE,
Mi n’ tin miedo:

Señor Dios ta mi forsa, mi refugio.
E mes t’Esun cu a salba mi.
Isaías 12:2

Cu profundo tristeza pero agradecido pa tur
locual e ta significa pa nos i conforme cu bolun-
tad di Dios nos ta participa cu a bai sosega:



Stella Agusta Ras

Mihor concoci como “Nana Wela”

*26-02-1941 - †01-07-2017

Acto di entiero lo wordo anuncia despues



Tel: 593-0857 / 588-6699 / 560-1403
Fax: 588-6698

THE Lord is my shepherd: I shall not want.
Psalm 23:1

With great sorrow we announce the passing of :



Laban John Pope

Better Known as “Pope” or ‘Mr. Pope”

Sunrise 18th October, 1926 Carriacou ,Grenada
Sunset 27th June, 2017 Aruba

Place and time of burial will be announced later



Tel: 593-0857 / 588-6699 / 560-1403
Fax: 588-6698

“Dios ta amor... y amor ta Dios,
maske mi no ta na e mundo aki, tur dia lo mi
ta banda
di boso Curazon, mi por steuns di loke Señor
ta hasi”

Cu profundo tristeza pero agradecido pa tur
locual e ta significa pa nos i conforme cu bolun-
tad di Dios nos ta participa cu a bai sosega:



Camille Ann de Windt

*16-04-1960 - †01-07-2017

Mayornan : †Constan de Windt
Claudette de Windt-Caldeira
Yiunan : Vladimir de Windt y Yanielys
Lacé

Christopher Geerman
Angélica Ceballos Martinez y
Hatam Asadi

Rumannan : Karen Vangansewinkel-de
Windt
Claudia de Windt

Subrino(a)nan: Iginia Mackintosh
Jimena Mackintosh
Jaír Vangansewinkel
Zoë-Joy Vangansewinkel

Cuñá: Patrick Vangansewinkel

Primo(a)nan, amigo, conocirnan y bisñanan.

Demas famia : de Windt, Caldeira, D’Oliveira,
Pereira, Ceballos Martinez, Geerman, Van-
gansewinkel, Mackintosh, Villamizar, Ramsey,
Maduro, Bislip, Calderon, Provence, Britten,
Flanegin.

Ta invita pa acto di despedida cu lo tuma lugar
diahuebs 6 di Juli 2017 na Aurora Funeral Home
di 2’or pa 4’or di atardi. Acto di cremashon lo
tuma lugar den seno familiar.

Un danki special na : Carmela, Yoly, Milena,
Angy y Lucy di “ Paraíso de Rosas”

Nos disculpa si den nos tristesa nos por a lubida
cualquier persona.

Porfabor bin bisti den colornan alegre.

Disculpa nos pero nos no ta ricibi bishita di
condolencia na cas.



Tel: 593-0857 / 588-6699 / 560-1403
Fax: 588-6698

Mi a wordo crucifica cu Cristo; y no ta ami ta biba
mas, ma Cristo ta biba den mi;kende a stima
mi y a entrega Su mes pa mi.
Galationan 2:20

Cu immenso dolor pero conforme Dios Su bol-
untad nos ta anuncia fayecimento di nos esposo
stima, tata, Padu y ruman:



Tai Keng Lee

Mihor conoci como “Asin”

Na number di su esposa:

Jacinta Lee- Geerman

Na number di su yiunan:

Lilian y Nelson Kelly- Lee

Orelia y Judith Lee- Holsman

Zoraida y Martin Godoy- Lee

Yadiro y Rachelle Lee- Kluytmans

Manera yiu:

Andre y Wendy Geerman- Greaux

Nieto y nietanan:

Frederick y Juwaiya Kelly – v/d Blik,
Kenrick y Janice Kelly- Wever, Yon,
Jeanine, Jouraine, Sharisa, Joey, Phil y
Elaine Godoy- Santiago, Ross, Daryene,
Yeandra, Zue-Yek, Jochen, Nicole.

Bisanietonan:

Malachi, Isaac, Lucas, Isabella, Noah, Sophie, Di-
nand, Shaniqua, Elajah, Shamairon, Shaqiona,
Kaylyn, Aiden, Rayline, Raylan.

Rumanan:

†Rosalinda (Ties) y

+Rosendo Croes- Lee y famia

Tai Fong (Fong) y Stella Lee -Croes
y famia

Tai Hein Bernardo (Ben)

y Anna Lee -Werleman y famia

Tai Kong Hypert (Dochi)

y Mechi Lee- Web y famia

Yvonne y Haime Dabian- Lee y famia

Tai Kim (Atan) y Olga Lee- Hernandez

y famia

Tai Foo Ramon y Maria Lee- Croes

y famia

Manera ruman:

†Luis Geerman y famia

†Ricardo (Tooche) Geerman y famia

†Jose Maria (Loche) Werleman y famia

-†Cornelia Croes- Maduro y famia

Subrino- y subrinanan stima, cuñanan y swanan,
tur su bisñanan y conocirnan, su rumanan den
Cristo di Iglesia Aliansa Evangelica “Bon Nobo”.

Acto di entiero lo tuma lugar diaranzon 5 di juli
2017 na Iglesia Aliansa Evangelica “Bon Nobo” Sa-
bana Basora 1(Pabou di veld di Universal).

Condolencia: 1:00 – 3:00 di atardi.

Sirbisha di despedida: 3:00- 4:00 di atardi sigui pa
entierro na Santana Publico di Sabana Basora.

Despues di entiero lo no ricibi bishita na cas.

Enbes di flor of krans lo tin un box disponibel pa
un donashon pa Casa Cuna.



Paardenbaaistraat 10, Oranjestad, Aruba Tel.: (297)5257555
www.lottoaruba.com
Resultado di Sorteo 03 Jul 2017 Anochi

CATACHI
Sorteo # 6216
1515
1811
6693
BIG 4
Sorteo # 5260
2831
ZODIAC
Sorteo # 4019
5405
Piscis
KORSOU
Sorteo #

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	950.000,-

LOTTO DIA	
Sorteo # 4103	Proximo Jackpot
0 x Jackpot	
3 x Match 4	
88 x Afl. 8,00	54.000,-

MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	260.000,-

MEGA PLUS	Afl. 360.000,-
------------------	-----------------------

Bo cadena di number di suerte
Alexander
ta presenta resultado di awe

Juli 3, 2017

DIARIO 6067-7597-7722

Juli 3, 2017

Juli 3, 2017

SMARTPLAY.

3542-4807-7903

SUPER 4 7118

DAILY.

1771-5885-1596

FLAMINGO.

0938-4716-6597



Paardenbaaistraat 10, Oranjestad, Aruba Tel.: (297)5257555
www.lottoaruba.com
Resultado di Sorteo 03 Jul 2017 Merdia

CATACHI
Sorteo # 1903
2631
2483
5383
BIG 4
Sorteo # 1903
5091
ZODIAC
Sorteo # 1903
6018
Virgo
KORSOU
Sorteo #

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	950.000,-

LOTTO DIA	
Sorteo #	Proximo Jackpot
0 x Jackpot	
4 x Match 4	
97 x Afl. 8,00	53.000,-

MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	260.000,-

MEGA PLUS	Afl. 360.000,-
------------------	-----------------------



Aries

Bo contestanan ta cla y lo sali na domina e caracter real di e otro nan. No lubida cu cada persona sa tin tres caracter entre nan esun cu e ta muestra lo demas. Numbernan pa awe: 23, 28, 36 y 44.



Tauro

Lo bay tin un reto cu lo haci bo crece. Enfrenta bida cu optimismo y lo bo sali bon di esey. No lubida cu bida ta un serie di experiencia cada un di cual ta haci nos crece. Numbernan pa awe: 23, 28, 36 y 44.



Geminis

Lo bay tin un situacion nobo. Bo cita y gestion lo ta hopi productivo. Bo encuentronan, cita y gestion lo bay ta positivo y lo bo logra supera cualkier temor. Numbernan pa awe: 11, 18, 26 y 34.



Cancer

Cuida mas bo tempo. Evita personanan cu ta consumi bo energia. Bo proyectonan ta a punto di cristalisa, pero no comenta cu personanan cu ta papia of ignorante. Numbernan pa awe: 1, 8, 16 y 24.



Leo

No laga bo mes empata pa un hende bobo of hopi exagera. E rikesa mayor cu un persona tin ta su propio bida y p'esey ta importante trata di biba esey lo miho posibel. Numbernan pa awe: 8, 19, 26 y 34.



Virgo

Aclaria bon loke bo ta scucha. No laga bo mes influencia di loke otro nan ta bisa bo. Cuida bo mes di esunnan cu ta acerca bo y ta bisa bo cu "Ma haya sa di tal cos". Numbernan pa awe: 14, 29, 36 y 47.



Libra

Esaki ta un etapa di hopi intimididad. Tin un toke di amor. Pone bo sentido ekilibra di Libra funciona den bo bida intimo ya cu den sexualidad ta calidad y no cantidad. Numbernan pa awe: 4, 9, 23 y 37.



Scorpio

Lo bo recupera. Loke tabata preocupa bo lo wordo resolvi felizmente. Corda cu mayoria di personanan rond di nos ta kere cu loke nan ta pensando ta berdad. Numbernan pa awe: 14, 17, 28 y 30.



Sagitario

Lo bay tin encuentronan hopi positivo. Lo bay impone un cambio y un otro forma di actua. Si bo cambia bo ideanan, lo bo ta cambiando bo mundo. Numbernan pa awe: 1, 7, 18 y 20.



Capricornio

Lo bay yega loke bo tabata warda y lo bo soluciona un situacion cu tabata molestia bo. E presente ta bo realidad. Gasta cu inteligencia. Bo mentalidad ta haci bo inkierto. Numbernan pa awe: 17, 27, 38 y 50.



Aquario

Lo bo resolve e situacion aki. Tuma riba e dia aki decisionnan hopi importante. No warda pa mañan of despues pa haci loke bo tin proyecta. Haci'e awo loke bo por. Numbernan pa awe: 13, 37, 48 y 52.



Pisces

Un invitacion social grato y un encuentro feliz lo sosode. Esey lo ta bon pa bo. Bo intuicion asocia cu bo sentido ta elementonan clave cu lo yuda bo. Numbernan pa awe: 13, 18, 26 y 34.



FUNDACIONNAN

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Hende Muhe den dificultad
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Ned Rode Kruis

Perdo Gallegostraat 14 Aruba
297-588-3376

Famia Planea (SBVO)

Avenida Milio J Croes 17 B Aruba
297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

A1 Taxi Services Aruba

Italietraat 50 lokaal 7
Tel: 587-8850
Tel: 280-2828
Whatsapp: 592-7024
E-mail: a1taxiservices.aruba@hotmail.com



Doctor na warda

Oranjestad Dr. Thuis Tel. 588 2600
San Nnicolas Dr. Ramautar Tel. 584 4280

Botica na warda

Oranjestad: EagleTel. 587 9011
San Nicolas Aloe Tel. 584 4606

SERVICO DI TAXI

Aruba Transfer Tour & Taxi C.A.

Pos Abao #41

P.O.Box 723 Aruba

Tel: 582-2116 / 582-2010

Fax: 583-6988

Taxi Adres Service (24h)

L.G. Smith Blvd. #234

Oranjestad Aruba

Tel: 587-5900

Fax: 587-1928

E-Mail: tas@setarnet.aw



Cruise Ships Schedule JULY 2017

			ARR	DEPT	BERTH
SAT	01	DISNEY FANTASY	08.00	18.00	C
SUN	02	FREEWINDS - DEPT.	****	23.45	E
WED	05	CARNIVAL VISTA	13.30	22.30	C
		ADVENTURE OF THE SEAS	07.15	23.00	B
		ZENITH	06.30	16.30	I
		FREEWINDS	06.00	****	E
SUN	09	FREEWINDS - DEPT.	****	23.45	E
WED	12	ADVENTURE OF THE SEAS	07.15	23.00	C
		ZENITH	06.30	16.30	B
		FREEWINDS	06.00	****	E
SUN	16	FREEWINDS - Dept.	****	23.45	E
TUE	18	CARNIVAL MAGIC	13.00	22.00	C
WED	19	CARNIVAL VISTA	13.00	22.00	C
		ZENITH	07.30	16.30	B
		FREEWINDS	06.00	****	E
SUN	23	FREEWINDS - Dept.	****	23.45	E
WED	26	ADVENTURE OF THE SEAS	07.15	23.00	C
		ZENITH	06.30	16.30	B
		FREEWINDS	06.00	****	E
SUN	30	FREEWINDS - Dept.	****	23.45	E

Centrale Bank van Aruba

Daily Exchange Rates - 07/03/2017

Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG1 ⁴	-	-	100.00
USD	1.77	1.78	1.80
CAD	1.35	1.37	1.39
CHF	184.85	185.57	186.37
GBP	2.24	2.29	2.35
JPY	156.20	157.63	159.21
EUR	200.66	202.49	204.52
DKK	26.25	26.97	27.77
NOK	20.29	21.01	21.81
SEK	20.00	20.72	21.52

For amounts up to Afl. 100,000



CENTRALE BANK VAN ARUBA

EMERGENCIA

911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Ad Patres	584-2299
Olive Tree	584-8888
Royal Funeral H.	586-4444

Summercamp info Club Kibrahacha 60+

ORANJESTAD - Club Kibrahacha 60+ ta anuncia cu e aña aki atrobe ta organisa un Summer Camp pa 60+ di edad. Tene na cuenta cu participante 60+ mester por cana bon y subi trapi.

E actividad aki ta tuma luga na Club Kibrahacha 60+, Piedra Plat 23. E actividadnan ta tuma luga riba e siguiente dianan:
18 juli - 20 juli - 21 juli
- 25 juli - 27 juli - 28 juli

E programa ta consisti di movecion fisico, weganan recreativo, obra di man, y cuater trip na diferente luga cu bus di 8.00-12.00 or.
E programa ta wordo parti na

tur participante ariba 17 di juli na Club Kibrahacha 60+
Por inscribi na club Kibrahacha 60+
Tel: 582-8159
E costo pa dos siman (total 6

dia) ta 75 florin p/p
Tin solamente 40 luga. Inscribe na tempo pa ta sigur di por participa.
Pa motibo organisatorio e ultimo dia pa inscribi ta diabierna 7 di juli 2017.



Den Vakantie grandi por entrega buki na biblioteca sin paga boet

ORANJESTAD - Entrante awe miembronan di biblioteca por entrega buki sin paga boet. Esaki ta posibel te cu ultimo dia di vakantie diabierna dia 25 di augustus.

Pa tur miembro di biblioteca cu tin buki na cas basta dia caba, esaki ta un oportunidad ideal pa evita paga boet.

Y e ta atractivo pa estudiante y muchanan di scol cu a caba nan aña escolar. Tambe miembronan di sucursal San Nicolas cu a experiencia falta di e facilidad di biblioteca pa motibo di renobacion di e edificio por beneficia di esaki. Miembronan di biblioteca San Nicolas, Savaneta, Pos Chikito y vecindario por en-

trega tur nan bukinan na biblioteca Oranjestad durante vakantie grandi. Ultimo dia cu esaki por ta diabierna dia 25 di augustus.

Un y tur ta bon bini. Biblioteca na Oranjestad ta habri 5 dia pa siman nonstop di 9or pa 5or y tambe diaranson anochi di 5or pa 7or.

Experience San Nicolas Summer Edition

ORANJESTAD - Siguiende diadomingo 9 di juli, lo tin e di Experience San Nicolas - Summer Edition.

Tumando na cuenta cu ta periodo di vakantie na Aruba, e cayanan di San Nicolas ta ofrece diferente actividadnan pa henter e pueblo di Aruba cu ta bishitando ariba e dia aki.

Espacio Azul conhuntamente cu Museo di Industria ta planea un actividad dirigi pa mucha, amigonan y famia. E actividad aki tin como meta pa e participante realisa con importante Aloe tabata ta na

nos Isla. Alabes ta descubri con el a bira un di nos industrialnan di masha balor cu impacto global.

Mientras cu den un manera creativo ta pinta pochi di mata unda lo planta nan mesun aloe aden. Esaki ta bira un articulo personal cu por hiba cas y cuida y wak su crecimiento.

Espacio Azul ta den preparacion cu tur detaye pa e actividad aki bira uno unico! E tourguides nan di Museum of Industry lo duna tur participante un tour den Museo, E parti artistico ta wordo duna door di e artista Nata-

lia Koolman cu lo guia cu e pintamento di cada pochi di mata. E mata nan di Aloe cu loi wordo planta ta donacion di e compania di Aruba Aloe Company.

E actividad completo tin un duracion di 2 ora y ta wordo organisa den tres grupo pa duna cada participante e atencion debido.

Por inscribi na info@espacioazularuba.com of yama of whatsapp nos na 5935509. Por haci escogencia di e siguiente orarionan: 10:00 am, 11:00 am, 12:00 pm. Nos ta warda abo cu bo amiga of amigo pa e curso unico aki



Duana ta recorda comerciantenan con pa calcula balor di mercancia cu ta wordo importa

ORANJESTAD - A base di diferente reaccion y pregunta for di comercio, Departamento di Aduana ta informa su clientenan encuan to e calculacion di balor di mercancia, e asina yama douanewaarde.

Na aña 2012 Duana a recorda comerciante mediante un articulo den Prensa riba algun detayenan cu kier wordo mira riba facturanan cu ta ser entrega na Duana.

Brokers, comerciantenan y importadornan tin di tene cuenta cu e siguiente 4 puntonan cu ta di suma importancia pa e calculacion di

douanewaarde :

1. Condicionnan cu ta mara na e entregamento di mercancia cu ta por ehempel CIF, CIP, CF, CFR, CPT, DDP, DDU, DES, DEQ etc. ta gastonan cu ta core riba cuenta di e bendedo. Si acaso un di condicionan menciona ta poni riba un factura e ora e bendedo mester specifica e gastonan riba e factura.

2. No ta acepta descuento riba gastonan di transportacion, ni transportacion gratis. E gastonan di transportacion den e dos casonan aki lo wordo calcula door di uza tarifanan usuario di rutanen similar.

Esaki ta conta pa seguro di e mercancia tambe, Duana lo calcula 1,5% pa seguro si no presenta un seguro.

3. No ta desconta gastonan di "Aruba Landing of Terminal Handling Charges (THC destination)" si e no ta especifica riba e Bill of Lading.

4. Palabracionnan no acepta pa duana den documentonan di transportacion of facturacion comercial ta: "sales orders", "MEMO", "quotation", "order confirmation" "as agree". Esaki ta conta

tambe pa facturacion comercial cu tin e palabranan: "this is not a bill", "do not pay this amount", "value for customs

only".

Documentonan cu ta incorrecto of incompleto lo wordo poni "on hold", alabes e cliente lo wordo poni na altura cu falta documentacion of documentonan ta incorrecto pa asina e cliente entrega e documentonan concerni. Den caso cu clientenan no entrega e documentacion apropiada tin consecuencia cu e carga ta keda stagna te na momento cu e documentonan apropiada wordo entrega pa asina duana por haci su verificacion y release e carga segun ley di duana.

Un biaha mas Departamento di Aduana ta haci un suplica na tur cliente pa tene cuenta

cu e 4 puntonan ariba menciona en conexion cu e calculacion di e balor di duana pa evita cu e proceso di release carga wordo stagna innecesariamente cu tur consecuen- cianan indesea cu ta bin na momento cu e trabou di verificacion di aangifte sosode.

Departamento di Aduana ta gradici tur su clientenan cu ta tene cuenta cu e douanewaarde y si tin cu- alquier pregunta of duda con pa calcula esaki, por bishita nos website www.douane.aw tambe por tuma contacto libremente via telefon: 5238888 of e-mail nos na: info@douane.aw

Organisacion: caminata Unidos Por Venezuela ta no politico

ORANJESTAD – Un grupo di Venezolano residencia na Aruba ta organisando un caminata humanitario yama Unidos Por Venezuela. Esaki lo tuma lugar diadomingo awor saliendofor di Plaza Simon Bolivar.

Luisa Rincon kende ta un miembro di e grupo cu ta organisa e marcha aki ta informa Bon Dia Aruba: “E ta un caminata familiar y pacifica; e no tin nada di haber

cu protesta. Nos intencion ta humanitario.” E meta di e marcha ta uno humanitario pa contribui cu e Cruz Berde cu ta un grupo di boluntario, mayoria di nan ta studiantenan di medicina cu ta brinda asistencia y prome auxilio na esunnan cu a resulta herida den e marcha di protesta na Venezuela. Of tambe esunnan di mas necesidad cu no tin remedi of asistencia medico. E ta reconoce cu pa organisa e caminata aki no ta nada facil; ya cu nan a

haya cierto critica di algun sector di e Venezolanonan na Aruba. Pero e apoyo cu nan ta bin hayando ta mas grandi cu esunnan cu ta critica nan. Sra. Rincon a bisa cu nan a dicidi di compromete nan mes, ya cu mientras cu Venezuela su pueblo ta pasando den duro; akinan e ta sinti cu nan como Venezolano no ta haciendo practicamente nada pa yuda e hendenan aki. “Nos ta keda den concentracion so y nada mas.” E pregunta cu a surgi tabata: Kico nos por haci pa Venezuela?. E ta haya cu si cada un di nan por duna un contribucion, e ta marca un diferencia caba.

El a bisa cu e Helm Berde na Venezuela ta feliz cu e noticia aki pasobra nan mester di ayudo y remedi. E necesidad di remedi ta grandi; te hasta e remedinan cu no a wordo uza y cu a pasa apenas un periodo cortico di vencemento nan ta uza nan. “Mi ta bisa e hendenan: Si bo tin remedi cu bo no ta uza mas, please duna mi nan.” Especialmente nan tin mester di antibiotica; pero no solamente ta remedi sino otro articulonnan manera catuna, etc., pasobra e necesidad ta grandi.

Casonan lamentabel

Dos echo lamentabel ta esun

cu finalmente a pusha nan pa bin cu algo concreto. Ta asina cu un amigo di dje bibando na Aruba su unico yiu homber a wordo mata den e localidad di Los Teche na Venezuela. E tabata un hobencito apenas 19 aña cu a bira e prome victima for di cu e marcha a cuminsa tres luna pasa. Awor e cifra no oficial di mortonan ta mas cu 80.

Otro caso cu el a conoce di cerca tabata di un amigo di su primo. Un dia ora cu e protesta tabata tumando lugar riba Avenida Fuerzas Armadas na Maracaibo, e hoben Paul Moreno kende tabata estudiante di Medicina y miembro di e Cruz Berde of Helm Berde a bira otro victima. E hoben a wordo mata ora cu el a sali pa yuda e hendenan herida den e marcha aki. El a traha duro y tabata cansa pa causa di e bomnan di gas lagrimogeno. Paul a sinta na cant'i caminda y un auto a bin dal'e. E no tabata un accidente casual, ya cu e auto a pasa dos biaha riba dje. Nan a hib'e pa un clinica pa purba di scapa su vida, pero nan no por haci nada p'e; entre otro pa falta di recursonan medico. “E ta un caso hopi tristo pasobra tur e muchanan aki por ta nos yiunan”, el a bisa. E ta kere cu actualmente Venezuela ta pasando den un

momento hopi dificil; y un forma pa colabora cu su pais for di exterior ta mustRANDO nos solidaridad, apoyo y participacion na e caminata pacifico y humanitario aki

E echonan di e dos victimanan aki a haci cu un grupo a wordo lanta na Aruba pa colecta remedi cu no ta wordo uza mas pa yuda e Cruz Berde su trabou, ya cu nan no ta depende di e gobierno di Venezuela. “Nan ta depende di e colaboracion. Nan ta estudiante di medicina di Universidad di Zulia.” E idea inicial tabata pa yuda e Helm Berde Luz cu ta esun di Universidad di Zulia; pero mirando e necesidad grandi cu e mesun organisacion aki ta pasando den otro estacionan na Venezuela, nan a dicidi pa yuda nan tur.

Caminata

El a laga sa cu e fondo aki lo wordo maneha di forma transparente pa medio di un accounting. E ta hiba e cifranan di e placa y ayudo cu ta wordo recauda door di e caminata aki.

E caminata lo sali for di Plaza Simon Bolivar 4or y mey y na haltura di Banco di Caribe nan ta sigui cana riba Avenida Milo Croes te Pricesmart – Linear Park te Plaza di Bolivar bek.

Advertorial

Interact Club of Aruba a ehecuta nan proyecto pa Casa Cuna

ORANJESTAD – Despues di simannan di deliberacion Interact Club of Aruba a ehecuta nan prome proyecto cu exito. E miembronan di Interact a dicidi cu nan prome proyecto lo ta pa yuda Casa Cuna.

Asina un par di siman pasa a tuma lugar e coleccion di comestibel, pampers, “baby wipes”, juice y cuminda di baby pa Casa Cuna. E coleccion a tuma lugar na Ling & Sons na unda cu comunidad di Aruba por a cumpra di articulonnan indica y deposita esaki cerca e miembronan di Interact.

Diasabra ultimo un par di miembro di Interact a hiba articulonnan colecta na Casa Cuna. Na Casa Cuna nan a haya un rondleiding di e lugar y tambe un historia cortico di



Casa Cuna. Despues di esaki e miembro nan di Interact a pinta cu e muchanan cu tabata presente den weekend na Casa Cuna.

Interact Club of Aruba kier a gradici comunidad di Aruba pa a contribui na e bunita

proyecto aki. Alavez kier a duna un danki tambe na Ling & Sons pa e oportunidad pa colecta. Tambe un danki na Compra Ltd. pa nan donacion di Frisian Flag. Por ultimo un gradicimento na Rotary Club of Aruba pa nan sosten.

MEGAPLEX 8
caribbeancinemas.com f Caribbean Cinemas Aruba

JUNE 29 - JULY 5

MONDAYS AND WEDNESDAYS
FOR LIMITED TIME ONLY 2D MOVIE TICKET AFL 5,00

NEW THIS WEEK!

STEVE CARELL | KRISTEN WIIG
DESPICABLE ME 3
WITH SPANISH SUBTITLES
MON-THURS • SUN & HOL 3:40 | 5:45 | 7:50
FRI-SAT 3:40 | 5:45 | 7:50 | 10:00
MON-FRI 4:50 | 6:55 | 9:00
SAT, SUN & HOL 2:45 | 4:50 | 6:55 | 9:00

ANSEL ELGORT | JON BERNTHAL
BABY DRIVER
MON-THURS 4:30 | 7:00 | 9:30
FRI 4:30 | 7:00 | 9:30 | 12:00
SAT 2:00 | 4:30 | 7:00 | 9:30 | 12:00
SUN & HOL 2:00 | 4:30 | 7:00 | 9:30

MANDY MOORE | CLAIRE HOIT
47 METERS DOWN
MON-THURS 3:50 | 5:30 | 7:35 | 9:40
FRI 3:50 | 5:30 | 7:35 | 9:40 | 11:45
SAT 3:25 | 5:30 | 7:35 | 9:40 | 11:45
SUN & HOL 3:25 | 5:30 | 7:35 | 9:40

MARK WAHLBERG | ANTHONY HOPKINS
CXC
PREMIUM LARGE FORMAT AUDITORIUM
TRANSFORMERS THE LAST KNIGHT
2D MON-FRI 9:10
SAT, SUN & HOL 2:50 | 9:10
3D MON • SUN & HOL 6:00

GAL GADOT | CHRIS PINE
WONDER WOMAN
WITH SPANISH SUBTITLES
MON-SUN & HOL 3:40 | 6:25 | 9:15

TOM CRUISE | SOFIA BOUTELLA
MUMMY
MON-THURS 4:25 | 6:50 | 9:15
FRI 4:25 | 6:50 | 9:15 | 11:40
SAT 2:00 | 4:25 | 6:50 | 9:15 | 11:40
SUN & HOL 2:00 | 4:25 | 6:50 | 9:15

OWEN WILSON | CRISTELA ALONZO
Cars
WITH SPANISH SUBTITLES
MON-SUN & HOL 3:50 | 6:15 | 8:40

STARTING JULY 6 | THE HOUSE • SPIDER MAN: HOMECOMING

Palm Beach Plaza Aruba | 586-0074

THE MAGIC OF THE MOVIES ON YOUR MOBILE DEVICE

Available on the App Store | Android App on Google play

KvK: interes grandi pa cuminsa negoshi



ORANJESTAD – Camara di Comercio y Industria Aruba (KvK) un biaha mas a organisa e evento Business Plaza – Get Started! cu ta enfoca principalmente riba tur hende cu kier cuminsa un negoshi of cu recien ta un empresario.

Esaki ta informacion for di un relato di KvK. E bishitante a haya e oportunidad pa expande nan conocimiento riba diferente topico cu ta importante na e momento cu bo tin e ambicion di cuminsa un negoshi of ta den e proceso y tin pregunta specifico riba rekisitonan y maneho di bo negoshi. For di 9or di mainta e bishitantenan por a atende diferente presentacion cu topiconan hopi interesante. CMB tabata sponsor di e evento Business Plaza – Get Started! E dia a cuminsa cu algun palabra di bon bini di sr. Ernst Mohamed, presidente di KvK. Siguiientemente sra. Kimberly Vanschel di CMB a splica kico ta importante ora di habri un cuenta di banco comercial. Pa complementa e topico sra. Sue-Ellen Farro di KvK a elab-

ora den un presentacion con bo ta cuminsa un negoshi y asina dunando tips importante na e starter. Sr. Atwell Aniceta, representante di CXPAY na Aruba a comparti cu e publico informacion encuanto e-Commerce y e rol di CXPAY den esaki.

Un otro presentacion hopi interesante ta di sr. Marksonn Maduro cu ta forma parti di 'Monumnt', e team ganado di e Hackathon Oranjestad. 'Monumnt' a conta di nan experiencia y kico tur nan a siña den corto tempo cu nan concepto pa Caya Grandi. Sr. Oliver Vieira di Qredits a conta riba e posibilidadnan di financiamiento cu Qredits ta brinda. Sra. Lay Hing de Kort di Cornerstone Economics a duna un workshop yena di conseho valioso tocante con bo ta hinca un bon business plan den otro. E ultimo presentacion di dia a ser duna door di sra. Maria Dijkhoff-Pita cu a conta kico ta Sustainable Development Goals y nos tur por contribui den esaki.

Manera ta custumber durante eventonan di Business Plaza,



KvK ta brinda e oportunidad pa tur bishitante haya un consulta di biaha. Diferente bishitante a haci uzo di e oportunidad aki pa asina haci un consulta liber cerca e Business Advisors di KvK y tambe Departamento di Asunto. Sra. Sonja Velthuisen, Directora di KvK y sr. Dave Martinus di ActionCoach a duna informacion di e programa nobo pa e proximo curso di Empresario Independiente Chikito/Mediano y a brinda e oportunidad pa interesadonan registra na e curso aki cu ta sigur algo hopi interesante pa cualquier empresario cu ta cuminsando un negoshi.

Despues di tur e presentacion a brinda e oportunidad pa tur esnan presente intercambia ideanan y elabora riba topiconan pa fortifica lasonan comercial den un setting ameno combina cu bebida y aperitivos.

Durante e evento aki tambe a lansa e revista Entrepreneur Aruba. Asina tambe tur esnan presente por a ricibi un copia gratis y expande ainda mas nan conocimiento riba e mundo di empresaria cu ta enfoca riba Aruba. E revista aki ta obtenibel gratis cerca KvK y lo ta disponibel cada 3 luna cu un edicion nobo brindando informacion al caso riba diferente topico di interes pa e comer-

ciante local.

Un danki ta bai na tur cu a contribui pa haci e evento Business Plaza - Get started! un biaha mas un gran exito. Un danki tambe ta bai na e sponsor principal: CMB.

Proximo edicion di Business Plaza lo tuma luga januari 2018 y ta e edicion 'Step Forward!' dedica na empresarionan existente cu kier expande nan negoshi. Pa mas informacion tocante Business Plaza, curso Empresario Independiente Chikito/Mediano y otro servicio di KvK, por tuma contacto na 582-1566, ext. 42/35/27/30 of manda un e-mail pa: businessinfo@arubachamber.com.



Juffrouw Suki a gana caso contra minister Michelle Hooyboer

ORANJESTAD – Na februari 2015, un tata a acusa juffrouw Suki di ta bully su yiu. A base di e acusacion aki y e medidanan disciplinario cu minister di Enseñansa Michelle Hooyboer Winklaar kier a impone, juffrouw Suki a entama un caso contra minister di enseñansa. Ayera hues a dicta den e caso aki y relaciona cu e decision aki di hues, nos redaccion a ricibi e siguiente relato.

E relato ta conta e storia di e banda di juffrouw Suki. Bon Dia Aruba no a ricibi ainda e reaccion di minister di Enseñansa.

Dialuna 3 juli hues a dicta den e caso cu juffrouw Suki a entama contra minister di Enseñansa, un caso cu a cuminsa dos aña y mey pasa. Despues di varios caso den corte, juffrouw Suki a gana su caso: e minister no tabata tin suficiente motibo pa persigui e juffrouw di e forma aki, y sigur no pa impone medidanan disciplinario cu e minister kier a impone.

E caso a cuminsa na februari 2015 na momento cu tata di un alumno di juffrouw Suki e bin scol pa reclama cu e juffrouw lo a ‘bully’ su yiu. A resulta cu e dia di e supuesto ‘bullying’, juffrouw Suki no tabata na scol mes. E incidente cu e tata a referi como ‘bullying’ a tuma luga den les di otro docente. E ‘misunderstanding’ aki a wordo aclarea mesora entre e tata, e cabesante di e scol y juffrouw

Suki, hasta cu un ‘handshake’. Sinembargo despues a resulta cu e tata tabata bon amigo di e minister y e mandatario a dicidi cu e no ta laga e cos aki te eynan, y a cuminsa un persecucion cruel contra e juffrouw. “Sin haci un investigacion drechi, y sin importa cu ya e cabesante di e scol a atende cu e asunto, minister Hooyboer a manda carta di schorsing di 5 dia pa juffrouw Suki, cu instruccion pa dun’e otro trabou pa resto di e aña escolar y no permitie duna les mas, y obliga e juffrouw pa bay un training pa domina su mes via di su dokter di cas”, asina e relato ta bisa.

E juffrouw mesora a acudi na abogado di Simar, y a haya tur sosten di Simar. Na e momento ey e minister a cambia su postura. El a laga tur e castigonan cay, cu excepcion di e ultimo, y a keda para ariba cu e juffrouw mester pa bay un training pa domina su mes via di su dokter di cas. E abogado di Simar na e momento ey a trek in e caso, sin consulta cu e juffrouw y esey a pone cu e juffrouw a cambia di abogado y a acudi na buffet di abogado Croes Wever Ruiz. E escogencia di abogado Hendrik Croes, e abogado cu tin mas experiencia como abogado aki na Aruba, tabata motibo pa Simar retira su sosten tambe na e juffrouw, y e juffrouw y su coleganan tambe a retira como miembro di Simar. Sinembargo juffrouw Suki a haya hopi sosten di coleganan docente, famia y amigonan, y esey a pone cu el a dicidi di continua cu e lucha aki pa



limpia su number.

“E escogencia di abogado Hendrik Croes a pone cu di e banda di e minister tambe cosnan a bira mas sushi. Tera Group, cu ta wordo paga cu placa di pueblo pa mercadeo di minister Michelle Hooyboer, a cuminsa un persecucion personal contra e juffrouw. Mas tristo di tur esaki

ta cu e juffrouw no conoce ningun di e hendenan cu e minister a manda pa atac’e riba Facebook y riba 24ora.com. Juffrouw Suki a pasa dos aña y mey hopi dificil, pasobra e sa cu e no a haci nada, pero a wordo husga prome cu el a haya un oportunidad pa defende su mes. Juffrouw Suki su fe ta grandi y e ta un persona di un cu-

rason bunita, cu no ta carga rencor y awe porfin por a celebra cu husticia a vence. Juffrouw Suki a sali liber di tur acusacion, minister Michelle Hooyboer su actonan y su cartanan tur a wordo destrui “vernietigd” pa hues, y pues e persecucion politico di minister Michelle Hooyboer a wordo rechasa. E minister awor mester paga e gastonan di abogado di e juffrouw, te na un suma di Afl. 2.000.”

Juffrouw Suki ta bisa cu e ta sumamente satisfecho cu husticia a vence, y cu su bon number a keda reestableci. E gastonan cu e minister mester pag’e bek no ta nada compara cu e gastonan real di abogado cu e juffrouw mester a haci, cual ta inhusto pasobra si no tabata pa e persecucion personal di e minister contra juffrouw Suki, e lo no a hay’e den tanto gasto. Juffrouw Suki lo evalua cu abogadonan si por cobra e minister tur e daño den un procedura separa.

Mientrastanto juffrouw Suki ta sumamente feliz, y awor si por sigui cu su bida normal y por sigui dedica na enseñanza di su muchanan di scol, cu alma y cuerpo, cara na laira manera semper el a haci. Juffrouw Suki ta gradici tur hende cu a tene den oracion y pensamiento, cu a sostene cu a yud’e ora mas e tabata tin mester. Especialmente su alumnonan, mayornan, coleganan, famia y amigonan. “Mi lo no lubida loke boso a haci pa mi na momentonan mas dificil den mi bida.”

4 nurse a haya nan diploma

Pa prome biaha a organisa curso di Neurologia na Aruba

ORANJESTAD – Recientemente 4 nurse a ricibi nan diploma despues di a termina nan specialisacion den neurologia cu exito na Colegio E.P.I.. E specialisacion aki tabata necesario pa hopi aña.

Pa añanan caba tin trayectonan di specialisacion pa entre otro Eerste Hulp, ICU y Dialyse. Y awo a amplia e habilidad, diversificacion di e estudio cu Vrije Universiteit van Amsterdam Academie ta ofreciendo hunto cu Colegio E.P.I.. Esaki ta e prome biaha cu ta duna e estudio di specialisacion den neurologia.

